

AZA MIANKINA AMIN'NY

FAHALALANAO MANOKANA

 Ndao isika hijanona hitsangana, vetivety fotsiny ankehitriny, ho an'ny vavaka. Firy ato no manana fangatahana ao am-pony, ka tianareo ny hanaovan'Andriamanitra zavatra manokana ho anareo ao amin'ity favoriana ity? Ndao isika hanondrika ny lohantsika Aminy ankehitriny.

² Ray any An-danitra, vahoaka iray manana tombontsoa izahay ankehitriny ny tafavory miaraka eto amin'ny Anaran'ny Tompo Jesosy, ao amin'ny firenena afaka iray izay ahafahanay manompo Anao arak'ireo didin'ny fieritreretanay, hatramin'izao. Ary mivavaka izahay, Ray, mba haharitra ela izany. Ary ankehitriny dia enga anie izahay hahazo tombony avy amin'ity tombontsoa lehibe izay anananay ity. Ary enga anie izahay hametraka ny fonay manontolo ao amin'ny fotoana izao hariva izao, mba hanompo Anao, mba hahatonga an'izany ho lazaina, hoe, "Teo afovoanay Andriamanitra izao hariva izao, nitahy ny Olony." Vonjeo ny fanahy very rehetra izay ato izao hariva izao, Tompo. Ary ny mpiverin-dälana rehetra, enga anie izy ireo hiverina ao an-tranon'Andriamanitra. Mivavaka aho ho an'ny olona marary rehetra, enga anie ho sitrana, ny ory ho afaka handeha, ary ny jamba hahita, ny marenina handre, ny dera sy ny voninahitra anie hatolotra an'i Jesosy Kristy eo anivon'ny Olony. Enga anie ho tsarovana ela izany, Tompo, satria mampivory ny tenanay miaraka izahay ka mangataka an'ireo fitahiana ireo amin'ny Anaran'i Jesosy. Amena.

Mahazoa toerana.

³ Na manao ahoana na manao ahoana, amin'ny fahatongavana ao amin'ny Ramada Inn, dia toy ny hoe miverina any an-trano foana, amin'ny fomba iray, satria efa tena imbetsaka aho no teto hany aho—mihevitra aho fa tsy maintsy hanomboka hahafantatra ahy izy ireo. Ary faly aho ny amin'izany, satria efa nahita andian'olona iray mahafinaritra aho tao amin'ireo an'ny Ramada Inn. Ilay anankiray any Tucson sy anankiray eto, tena efa tsara fanahy taminay izy ireo, namela anay hanao an'ireo fotoana. Vao tsy ela akory izay, dia nanao fotoana iray ahy manokana aho, tany amin'ny Ramada Inn, ary tsy namela ahy handoa ny hofan'ilay tranobe akory aza ilay mpikarakara. Tena mahafinaritra tokoa izany. Tsaroako rehefa izaho mitety an'ireo firenena, ihany koa, ankehitriny, ireo izay tsara tamin'ny ankohonan'Andriamanitra.

⁴ Ankehitriny isika dia efa nanana, hatramin'ny Alahady hariva, na Alahady tolakandro, raha ny marina, an'ireo fotoana lehibe sasany tao amin'ny Tompo ireo, na farafahakeliny izay ananako. Efa nanana fotoana iray nahafinaritra aho nankafizana an'ireo Fitahiany, sy ny fiombonan'ny Fanahy Masina ary niaraka tamin'ny Olony.

⁵ Izaho—tiako ny hahatsiaro, fa, manompo an'Andriamanitra miaraka isika. Toetran'Andriamanitra iray ianareo, ampanhan'Andriamanitra, rehefa lasa zanakalahy sy zanakavavin'Andriamanitra ianareo. Ary ao anatinareo Andriamanitra, te-hanatanteraka ny Sitrapony, raha hamela Azy hanao an'izany ianareo.

⁶ Noho izany dia manantena isika, izao hariva izao, fa hanadino ny amin'ireo zavatra izay efa nisy tamin'ireo andro ny olona rehetra, ka hanaisotra ny zavatra rehetra, ary hametraka fotsiny ny fontsika ao amin'ny fotoana ankehitriny; tsy ho an'ity hariva ity fotsiny ihany, fa ao amin'ny favoriana ho avy. Tsy isalasalana fa solontena maro no efa tafangona. Mahita mohoatra sasantsasany aho izao hariva izao eo amin'ny lampihazo, miangona ho an'ny favoriana izay hanomboka rahampitso. Ary mangataka amin'ny olona izay eto ho an'ny fifohazana vao avy nataontsika aho, mba, raha tena azo atao ilay izy, maniry aho ny hijanonanareo mandritry ny favoriana. Banana mpikabary mahafinaritra sasantsasany voalahatra isika. Tsy afaka tonga ny rahalahy anankiray, ary, saingy manana maro isika ho tonga eto haka ny toerany. Te-ho ao amin'ilay favoriana feno ny tenako, mba hankafy an'ity fiombonana ity.

⁷ Fantatrareo, miakatra eto izahay amin'ny mahampitorteny, ary miteny izahay, ka manome ny zavatra rehetra izay ao anatinareo foana. Nitory lohahevitra iray aho indray andro, teo amin'izay nilazan'i Jesosy hoe, "Diniho ny lisy iray, ahoana fa izy ireo dia sady—sady tsy miasa na mamoly, kanefa Lazaiko aminareo fa na dia i Solomona tao amin'ny voninahiny rehetra aza dia tsy mba nitafy tahaka ny anankiray." Ary hitako fa, tsy maintsy mitombo ny lisy, andro aman'alina, mamoly, miasa, ary manao ny tenany mamirapiratra. Nefa tsy mahazo fitahiana avy amin'izany izy, ny tenany. Manokatra ny tenany izy, ary—ary manimbolo ny hanitra avy aminy ireo mpandalo. Maka tantely avy ao amin'ilay fo ny renitantly. Mizara ny zavatra rehetra izay iasany mba ahazoana an'izany izy. Ary miantso ny hafatro aho hoe, *Revera Andriamatoa Lisy*, karazana lahateny iray mahatsikaiky izany.

⁸ Fa—fa izany ilay izy, mizara ny tenany amin'ny olona ireo mpitoriteny, ka tsara amin'izay fotoana izay ny mipetraka sy—sy mihaino ny hafa. Tahaka ny maka hafanana eo akaikin'ny afo, tiansika ny hipetraka eo ambanin'ny lelafon'ny hafa tsirairay ka manafana ny fontsika amin'ny Filazantsara izay torian'ireo rahalahintsika amin'ny olona. Ary manksitraka aho ny manana

an'ity fanararaotra ity hanaovana an'izany. Ary ankehitriny dia matoky aho izao hariva izao . . .

⁹ Niteny tamiko i Billy fa nizara karatra fangataham-bavaka izy, ny manontolo. Nefa tsy afaka hanao laharam-bavaka iray isika eto raha tokony hanao. Hitanareo, tsy maintsy hivoaka manodidina manerana eo ianareo, ka handalo amin'ny lalantsara maizina iray, ary tonga eto amin'ity. Ho tafintohina eo amin'ny zavatra rehetra ianareo, mba ho tonga eto. Ary ho ao amin'ny toerana ratsy iray ny ory sy ny malemy, eo ampanaovana an'izany.

¹⁰ Fa tsy fantatsika izay mety hataon'ny Tompontsika. Mety hidina avy hatrany eo anivontsika Izy, izao hariva izao, ka—ka hanasitrana ny tsirairay avy izay eto, ny aretina rehetra. Oh, aleoko mahita an'izany toy izay ireo laharam-bavaka rehetra izay hany nananako teo amin'ny fiainako, izao fotsiny—ny mahita fotsiny ny fahefana ambony an'Andriamanitra midina eo anivon'ireo Zanany mankatô. Izaho—tiako foana izany.

¹¹ Mazàna, raha manana fifandraisana manokana amin'ny olona ianareo, toy ny fametrahan-tànana, izany dia mety, tsy mihevitra aho fa betsaka ny hanao an'izany, eny, hilaza izy ireo hoe, “Mpitoriteny iray izao-sy-izao no nametraka ny tànany teo amiko, ary, voninahitra ho an'Andriamanitra!” Izany dia manao ny olona hijery an'io mpitoriteny io amin'izay fotoana izay.

¹² Fa raha afaka hitsangana eto fotsiny ianareo, hitory ny Teny, ka hamela ny Fanahy Masina hanasitrana ny tsirairay avy, amin'izay fotoana izay dia tena ny fahasoavan'Andriamanitra tanteraka tokoa izany. Ary amin'izay fotoana izay dia Andriamanitra no mandray ny dera rehetra, ny voninahitra. Tsy misy aloka iray an'ny inona na inona ho an'ny olon-kafa iray. Tahaka an'izany aho, ao amin'ny asam-panompoako, ny antony tsy hakako betsaka loatra, raha tsy hoe . . . Ankehitriny, omaly hariva, dia niezaka nivavaka ho an'ny maro izay vitantsika isika. Fa ny fametrahan-tànana . . .

¹³ Mazàna dia amin'ireo hariva izany, angamba tonga avy hatrany eo anivontsika fotsiny ny Fanahy Masina ka manomboka maneho ny Tenany, mampahafantatra ny Tenany eo anivontsika. Ary amin'ny alàlan'izany amin'izay fotoana izay, neveriko, tena misy ilay izy, rehefa afaka angamba Izy ao amin'ny fahefana ambony, hitanareo. Tsy afaka milaza aho ankehitriny hoe, “Ity lehilahy ity, na *ity* vehivavy ity, na *itsy* ankizy itsy,” hitanareo. Ny Fanahy Masina no mihetsika ao amin'ilay tranobe ary miteny amin'izay rehetra Tiany hitenenana. Hitanareo, masimandidy izany. Ary amin'izay fotoana izay dia izany no mitondra ny fahalalana, satria teny fikasan'Andriamanitra iray izany, ary izany no mitondra ny fahalalan'Andriamanitra masimandidy, ary mitondra ihany koa Ny Fanatrehany eo anivontsika. Tokony hijery an'izany isika ka hifaly! Ary tsy mampaninona . . .

¹⁴ Hoy ianareo hoe, “Eny, nalemy aho teo amin’ny tànako. Teto aho omaly hariva. Izaho—izaho—tsy nety tsaratsara kokoa aho.” Tsy misy idiran’izany amin’io. Ho anareo, dia efa vita izany. Tsy mijery ny tànanareo ianareo amin’izay fotoana izay, mijery teny fikasana iray ianareo, hitanareo. Ary noho izany, tsy afaka milaza ianareo hoe, “Eny, Rahalahy *Ranona-sy-ranona* dia tsy nivavaka tamin’ny vavaky ny finoana, na ranona-sy-ranona.” Izany dia ny Fanatrehan’ny Tompo no nanome anareo ny finoana, hitanareo, ary amin’izay fotoana izay dia Izy no nandef Ny Teniny ka nanasitrana azy ireo.

¹⁵ Ankehitriny, omaly hariva aho—nandrava ny fampanantenako indray aho. Hiezaka hihazona an’izany marina aho izao hariva izao, raha vitako. Ary ankehitriny dia hoy ny olona iray hoe, “Tsy nijanona teo amin’ny lahateninao ianao omaly hariva.” Tsia, izaho—tsy nijanona aho; satria, ho teneniko aminareo hoe nahoana. Saika hitory teo amin’ny lohahevitra iray aho, ankehitriny dia adinoko fotsiny hoe inona, *Fa Andriamanitra Manan-karena Amin’ny Famindrampo*.

¹⁶ Ary niezaka ny hanazava aho hoe ahoana fa i Paoly, izay niteny teo, no nanao hoe, “Isika izay tamin’ny andro lasa,” fotoana anankiray, fotoana hafa iray nohon’ny ankehitriny, “efa maty isika, ary tao amin’ny fahotana sy heloka; izay novelomin’Andriamanitra, natao velona.” Ankehitriny, hitanareo, alohan’ny nahafahan’ny zavatra rehetra ho velomina, dia tsy maintsy nisy zavatra iray teo ho velomina. Marina izany.

¹⁷ Noho izany, hitanareo, raha efa tao amin’ny fahalalan’Andriamanitra mialoha ianareo, amin’izay fotoana izay dia lasa ampahan’Andriamanitra ianareo. Ary ny fomba tokana ahafahanareo ho tonga zanakalahin’Andriamanitra iray na zanakavavin’Andriamanitra iray, dia tsy maintsy ho ampahan’Andriamanitra ianareo, ary tsy feno Andriamanitra raha tsy misy anareo. Tsy maintsy. Marina izany, satria misy Anankiray, loharanon’ny Fiainana Mandrakizay anankiray ihany, ary Andriamanitra izany, ary Izy irery no manana Fiainana Mandrakizay. Hitanareo? Ankehitriny, ary ianareo dia efa Ampahany, amin’ny maha-toetra iray anareo, na tao amin’ny Fisainany tany amin’ny voalohany. Ary izany, satria nihevitra ny aminareo Izy tany amin’ny voalohany, dia izany no manome an’io fisintonana kely io mankany Aminy. Io no tsy maintsy velomina. Ny sasany amin’izy ireo dia tsy ho velomina mihitsy; tsy manana an’izany fotsiny izy ireo, dia izay ihany.

¹⁸ Toy ny hoe raha mametraka voan-katsaka iray fotsiny ao anatin’ny tany ianareo, izay tsy nanana... Na tsara tarehy toy ny inona aza ilay izy, raha tsy nanana an’ilay tsimok’aina tao anatiny izy, dia tsy ho velomina mihitsy izany. Fa tsy maintsy ho ao aloha ilay tsimok’aina.

¹⁹ Ary naka an'ilay tantara kely mikasika an'ilay voromahery aho, nandeha niaraka tamin'ireo akohovavy sy akoho satria foy sy teraka tao izy, saingy tsy nahatsapa mihitsy ho tahaka an'ireo akoho fotsiny izy. Ary, fantatrareo, rehefa nandalo ny mamany ka nihiaikiaka, nandre feo iray izay tena naneno tsara taminy izy, satria, tsarovy, voromahery iray izy, teo am-panombohana. Tsy maintsy tonga mba hahita ny tenany fotsiny izy, mba hahita ny toerany.

²⁰ Tahaka an'izany ilay izy ho an'ny mpino rehetra. Tsy teraka ho an'ity izao tontolo izao ity ianareo. Noforonina araka ny endrik'Andriamanitra ianareo, mba ho zanak'Andriamanitra. Ary tsy mikambana amin'ity tranon'akoho eto ity ianareo. Voromahery iray ianareo.

²¹ Ary fantatrareo, niresaka teo amin'io "voromahery" io aho ka tsy afaka namerina ny tongotro tamin'ny tany, noho izany dia nandeha fotsiny aho... Nitory ela loatra aho, ary avy eo dia adinoko hoe inona ilay lahateniko, ary veriko ireo naotiko sy ny zavatra hafa rehetra. Nanana fotoana nampahatahotra iray aho. Saingy izany ilay izy, teo amin'io "voromahery" io fotsiny ilay izy.

²² Ankehitriny dia enga anie io Voromahery io, Andriamanitra! Fantatrareo, Andriamanitra dia mampitovy an'ireo Mpaminaniny amin'ny voromahery. Ary Izy dia miantso ny Tenany ho voromahery iray; Izy no Jehovah Voromahery, Papa Voromahery.

²³ Ary ny antony Anaovany an'izany, ny voromahery iray dia afaka manidina ambony kokoa nohon'ny vorona rehetra izay misy, ary satria izy dia natao ho hafa nohon'ny vorona hafa rehetra. Ankehitriny, tsy manorina ny akaniny eo amin'ny tany tahaka an'ireo akoho sy ny sisa izy, fa mandeha any amin'ny avo manorina ny akaniny.

²⁴ Ary zavatra hafa iray, hoe, izy dia vorona iray voaolina manokana. Ankehitriny raha ny—raha ny papango iray, na goaika iray, na papangobe iray, na vorona hafa iray no hanandrana hanaraka azy eny amin'ny lanitra, dia hisamatsamaka izy; tsy natao ho an'izany izy. Izy dia tsy maintsy ho, olona iray manokana mba handeha hiakatra eny. Henjana kokoa nohon'ny vorona hafa rehetra ny volony.

²⁵ Ary—ary maranitra nohon'ny vorona hafa rehetra ny masonry. Ary arakaraky ny andehanany avo kokoa, no ahafahany mahita lavitra kokoa. Eny, ny sasany amin'ireo vorona ireo, rehefa tonga eny amin'ny avo izay natao hisy azy izy ireo, dia jamba tahaka ny ramanavy. Ary tahaka an'izany ny... Eny, rehefa miala amin'io fanekem-pinoana io izy ireo, dia tsy mahafantatra na inona na inona mikasika an'Izany amin'izay fotoana izay. "Efa lasa ireo andron'ny fahagagana," nahoana? Tsy afaka mahita an'Izany izy ireo.

²⁶ Fa ireo voromahery dia afaka mandeha eny amin'ny lanitra, ary ireo lanitry ny Lanitra any ambony any. Inona no soa hiakarana Any raha tsy afaka hahita ianareo? Oh, tena faly aho fa isan'izy ireo, ary mikambana amin'ilay akany manontolo feno azy ireo ankehitriny.

²⁷ Ndao isika hamadika ao amin'ny Testamenta Taloha, ao amin'ny Bokin'ny Ohabolana, nosoratan'i Solomona, iray tamin'ireo lehilahy hendry indrindra teto amin'izao tontolo izao, ankoatran'i Jesosy Tompontsika. Fa tsy tahaka an'i Solomona marina tokoa Izzy, satria Solomona dia lehilahy iray izay teraka avy tamin'ny vehivavy iray ary nateraky ny ray iray avy eto an-tany, Davida. Fa Jesosy dia Zanaka iray nateraky ny virijiny, ary tsy olona iray fotsiny ihany; fa Andriamanitra Izzy, ilay Andriamanitra-Olona, ary mihoatra nohon'ny olona iray Izzy, Izzy dia Olona iray, mihoatra. Hitanareo? Fa Solomona dia olona iray fotsiny tahaka ahy sy ianareo, ary nangataka fahendrena tamin'Andriamanitra izy, mba hitondrany ny fanjakany. Ary nanana ny fanomezam-pahasoavan'ny fahendrena izy, ilay lehilahy manan-tsaina indrindra izay hany fantatsika ankoatran'ny Tompontsika. Izzy no nanoratra ny Ohabolana, ary neveriko fa tena tsara izy ireo.

²⁸ Ary hamadika ao amin'ny Bokin'ny Ohabolana isika ankehitriny, ny toko faha-1, ary, na ny toko faha-2, raha ny marina, ary ireo andininy vitsy voalohany an'ny Ohabolana, na 2, manomboka amin'ny 1. Ohabolana 2, manomboka amin'ny 1, ny fanohizan'i Solomona manoro hevitra an'ireo zanany hoe, "Ry zanako, raha ho raisinao..." Miala tsiny aho.

²⁹ Izany dia ny Ohabolana 3:1. Miala tsiny aho. Nijery teto amin'ny—amin'ny bokiko aho, dia hitako fa ny Ohabolana 3 izany raha tokony ho ny 1 na ny 2. Miala tsiny aho. Ohabolana 3:1.

Ry zanako, aza manadino ny lalàko; fa aoka ny fonao hitandrina ny didiko:

Fa andro maro, sy fiainana ela, ary fiadanana, no ho...no hanampiny ho anao.

Aoka tsy handao anao ny famindrampo sy ny fahamarinana: afehezo eo amin'ny hatokao izy ireo; soraty eo amin'ireo latabtry ny fonao izy ireo:

Ka dia hahita fitia sy fahalalana tsara eo imason'Andriamanitra sy ny olona ianao.

Matokia an'ny TOMPO amin'ny fonao rehetra; fa aza miankina amin'ny fahalalanao manokana.

Maneke azy amin'ny lèlanao rehetra, fa izy no handamina ny lèlanao.

³⁰ Oh, neveriko fa izany no Soratra mahafinaritra tsara tarehy indrindra! Ankehitriny dia tiako ny haka lahateny iray,

avy amin'ny—ny andininy faha-5 hoe, *Aza Miankina Amin'Ny Fahalalanao Manokana*.

³¹ Ankehitriny ity dia la—lahateny iray tena hafahafa ho an'ny andro izay iainantsika, satria ilay tsindrim-peo amin'izao andro izao dia mipetraka tokoa eo amin'ny fianarana sy eo amin'ny fahalalantsika manokana an'ireo zavatra, ny andron'ny—ny fianarana. Saingy hitantsika eto fa ity filazana hafahafa ity, tahaka an'ireo Soratra hafa, dia manana ny toerany izany, ary matoky isika fa Andriamanitra dia hamela antsika hahita hoe aiza ilay toerana.

³² Amin'izao andro izao dia mandefa an'ireo ankizintsika mankany am-pianarana isika, mba hahazo fahalalana. Avy eo rehefa avy mahavita ny sekoly ambaratonga voalohany izy ireo, dia alefantsika mankany amin'ny sekoly ambony ho an'ny fahalalana iray tsaratsara kokoa an'ny fahafantarana. Avy eo rehefa avy mahavita ao izy ireo, ireo ankizy sasany aza dia tena tsara vintana mba handeha any amin'ny kolejy, ary mandeha mankany amin'ny kolejy izy ireo mba hamarana ny fianarany sy ny fahalalany an'ny fahafantarana. Izany no takiana amin'izy ireo avy amin'ny... Matetika, mba hahazoana asa iray, dia tsy maintsy manana fahalalan'ny sekoly ambony iray ianareo farafahakeliny, na fianaran'ny kolejy iray, na ny sisa.

³³ Kanefa, niteny tamintsika i Solomona hendry fa, “aza miankina amin'izany, tsy amin'ny fahalalantsika manokana; aza miankina amin'ireo zavatra ireo.” Satria, manontany isika hoe nahoana izy no hiteny zavatra iray tahaka an’io, dia satria mazàna io fahalalantsika moderina io dia ny fahendren’olona mazàna, izay mifanohitra amin'ny Tenin’Andriamanitra. Heveriko fa ny niezahan’i Solomona hanoroana hevitra an'ireo zanany, dia tsy ny ho tsy mahay mamaky teny sy manoratra, fa ny tsy hiankinana amin'ny fahalalan’izy ireo.

³⁴ Ary heveriko fa ho fampaherezana tsara iray izany amin'izao andro izao, raha hilaza amin'ireo zanatsika sy amin'ireo zanak’Andriamanitra isika, fa, mety tsara ny mahazo fianarana iray, tsy misy na inona na inona manohitra an'izany; saingy rehefa mifanohitra amin'ny Tenin’Andriamanitra io fianarana io, amin'izay fotoana izay dia miankina amin'ny Teny ary avelao any ny fianaranareo, hitanareo, satria, ny Teny. Ary ny fianarana dia hanohana sy hanome anareo asa tsara iray, toerana tsara iray eo anivon'ny olona mahay angamba, saingy, mety tsara izany, izay ho fanampiana iray lehibe ho anareo angamba, hanampy anareo ao amin'ny ara-bolanareo sy ny—ny fari-piainanareo, manao fiaianana tsaratsara kely kokoa ho anareo angamba.

³⁵ Fa tsarovy ny zavatra anankiray, ry zanako, tsy maintsy ho faty ianao. Tsy mampaninona na fianarana firy no anananareo, kolontsaina firy no azonareo angonina, tsy maintsy hifanatrika amin'ny fahafatesana foana ianareo, satria izao no voasoratra,

hoe, “Tsy maintsy maty ny olona, ary aorian’izany dia ny Fitsarana.” Ary Andriamanitra, rehefa... Tsy dia tena ratsy loatra ny fahafatesana, fa ny tonga eo amin’ny Fitsarana no ampahany ratsy. Ankehitriny, afaka ny ho faty ianareo, “fa aorian’izany dia ny Fitsarana.” Ary Andriamanitra tsy hitaky aminareo hoe fianarana firy no nataonareo fony ianareo teto an-tany, fahalalana firy no nangoninareo, na nanana Bakalorean’ny Literatiora ianareo, na diplaoma inona no mety efa azonareo, na dia amin’ny maha-mpitoriteny aza. Tsy ho takiana aminareo izany.

³⁶ Fa ny ho takiana, aminareo, dia hoe inona no nataonareo ny amin’ny fahalalana ny Tenin’Andriamanitra. Eo no tonga ilay fitakiana, noho Ity. Tsara ny fianaranareo, saingy ny Tenin’Andriamanitra dia Fiainana. “Ny Teniko dia Fiainana,” ary ny mahafantatra an’Izany no Fiainana. Ary Izzy, hoy Izzy hoe, “Mahafantatra Azy.” Izzy no Teny. Noho izany dia afaka mahafantatra Azy amin’ny Teny fotsiny ihany ianareo, satria Izzy no Teny. Izany no fomba tokana hahafantaranareo Azy, dia amin’ny alalan’Ny Teniny.

³⁷ Afaka ny ho tonga ny olona iray ka hanao hoe, “ity no Andriamanitra,” na “itsy no Andriamanitra,” na “ity no Andriamanitra,” na “ity no marina,” ary “itsy no marina,” saingy miverina amin’ny Teny isika, izay ny Fahamarinana.

³⁸ Ary ny Teny dia tahaka ny—ny kintana Avaratra fotsiny, izany no kintana marina iray. Tsy mampaninona na lèlana iza no hitsingevanan’izao tontolo izao, eo afovoany eo amin’ny tany io kintana Avaratra io. Apetrakareo eo amin’ny kintana Avaratra ny famantaran’avaratrareo. Eo afovoan’ny tany foana izany. Ireo kintana hafa dia mitsingevana manodidina an’izao tontolo izao, fa ilay kintana Avaratra dia mijanona mari-toerana.

³⁹ Ankehitriny dia ny Fanahy Masina no famantaran’avaratra, ary (ny) anareo—ny andrim-pamatoranareo dia ho ny Kintana Avaratra, noho izany ny Fanahy Masina dia hitondra foana mankany amin’ny Teny. Tsy hitarika anareo mankany amin’ny zavatra hafa afa-tsyo ny Tenin’Andriamanitra mihitsy ny Fanahy Masina. Noho izany dia ahoana no hahafahan’ny olona anankiray hanaiky fanekem-pinoana iray, nefo mifanohitra amin’ny Teny izany, ary avy eo anefa dia mbola milaza foana fa manana ny Fanahy Masina izy? Hitondra anareo hiala amin’izany ny Fanahy Masina. Mila ny Fanahy Masina izany mba hitondra anareo mankany amin’ny Teny, satria Izzy no Teny. Izzy no Teny, ary Izany dia afaka fotsiny ihany... Tahaka ny—tahaka ny andriam-by ao anatin’ilay famantaran’avaratra izay voapetraka fotsiny ihany mankany amin’ny Tendro Avaratra, izany ihany no lèlana tokana azony itarihana. Ary rehefa ny Fanahy Masina no Mpanao sy Mpanoratra, ary mpamelona ny Teny, dia ahoana no ahafahan’Izany hitondra olona iray mankany amin’ny zavatra hafa afa-tsyo ny Teny?

⁴⁰ Noho izany rehefa milaza ny olona iray fa manana ny Fanahy Masina izy ireo, nefà manaiky zavatra iray mifanohitra amin'ny Teny, dia izany no maneho fa tsy ilay Fanahy Masina tena izy no ananan'izy ireo. Hitanareo? Mety ho fanahy iray izany, tsy hiady hevitra an'izany aho, saingy izany—tsy ny Fanahy Masin'i Kristy izany. Ankehitriny, fantatralreo, matetika, dia mandray an'ireo fanahin'ny hafa izy ireo; ary dia mety mitondra izany, ao amin'ny vondron-dehilahy iray ohatra, mankany amin'ny zavatra iray, saingy izany dia tsy—tsy hitondra mankany amin'i Kristy izany. Fa ny Fanahy Masina dia mitondra foana mankany amin'i Kristy, ary Kristy no Teny.

⁴¹ Mahita an'izany mazava tsara isika ao amin'ny Baiboly. Na, izaho no mahita. Angamba mety ho diso aho, saingy, amin'ny fiheverako, fa tsy mihevitra ho tahaka an'izany aho; satria, izany, ity: "Aza miankina amin'ny fahalalanareo manokana an'ireo zavatra." Raha miankina amin'ny fahalalanareo manokana ianareo, amin'izay fotoana izay dia an-dàlana mivoaka amin'ilay lâlana marina ianareo. Tsy afaka miankina amin'ny fahalalan'olon-kafa iray ianareo, rehefa tonga eo amin'ny Fiainana ilay izy. Mba hahitana Fiainana, dia tsy maintsy miankina amin'ny Teny ianareo. Izany no Fiainana.

⁴² Hitantsika izany, hatrany amin'ny voalohany. Tena nampahafantarina antsika mazava tsara izany, hatrany amin'ny voalohany, hoe Andriamanitra dia nanome Ny Teniny ho an'ilay Fianakaviany voalohany teto an-tany, mba hivelomana. Ny Teniny irety ihany, no tsy maintsy hivelomana. Ankehitriny, tsy amin'ny fihinanana sakafio izany, sy ny sisa. Fa Ny Teniny no tsy maintsy nivelman'izy ireo, Mandrakizay. Ary raha mbola nitandrina an'izany Teny izany foana izy ireo, dia velona Mandrakizay. Saingy diso fipetraka ilay fehezan-teny kely voalohany an'io Teny io, dia tapaka ilay rojo manontolo, ka nilentika tao anatin'ny fahafatesana ny taranak'olombelona. Hitanareo, mahamarika isika ankehitriny.

⁴³ Eva, izay tsy isalasalana fa olona mahay iray; ilay voalohany mihitsy avy tamin'i Adama, izay ny—ny zanak'Andriamanitra. Ary Eva, efa tao amin'io toerana izay tsy nisy fahotana io tokoa, tsy nisy toerana ho an'ny fahotana, tsy maintsy ho efa nanana hevitra mahafinaritra tokoa izy ny amin'ny hoe inona Andriamanitra. Satria, isaky ny tolakandro, izy sy ny vadiny dia nitsangatsangana tao amin'ny hatsiatsiakan'ilay saha, tamin'ny hariva, ary niresaka nifanatrika tamin'Andriamanitra. Inona ny—zavatra iray tsy voahewitra toy ny inona ny hoe olona iray izay nandeha niaraka tamin'Andriamanitra nifanatrika, isan'andro, nefà avy eo dia nitodika nankany amin'ny fandanjalanjana zavatra iray izay nitaona azy hiala amin'ny Tenin'Andriamanitra!

⁴⁴ Mbola manana azy ireny foana isika. Tena voataona mora foana miala amin'ny Tenin'Andriamanitra izy ireo, rehefa avy

nipetraka teo amin'ny Fanatrehan'Andriamanitra. Mahita ny Tenin'Andriamanitra voatory, ny Tenin'Andriamanitra tonga voaseho, manatona ny alitara ireo mamolava sy ireo mpanota ary niova fo ka lasa olom-baovao ao amin'i Kristy, lasa ramatoa sy lehilahy mihaja ireo olona ratsy laza; nefo avy eo dia miala amin'ilay Zavatra voatahy izay nitarika azy ireo mankany amin'io Fiainana io, ary avy eo dia mivadika manaraka karazana fanelek-pinoana iray, mba ho lasa malaza kokoa na—na miditra ao amin'izay antsoin'izy ireo hoe kilasin'olona tsaratsara kokoa.

⁴⁵ Nahoana, ao anatin'ny kilasy tsara indrindra izay misy ianareo: zanakalahy sy zanakavavin'Andriamanitra. Eny, io fikambanana io no tiako tsaratsara kokoa toy izay aho hiaraka amin'ireo karazana mpanjaka rehetra sy manam-pahefana, ary ny zavatra hafa rehetra. Omeo ahy io andian'olona manetry tena io, raha tsy mahafantatra ny tânany havanana amin'ny haviany izy ireo! Raha mbola mahafantatra an'Andriamanitra foana izy ireo, sy tia Azy ary manompo Azy, dia izany no manan-kajan'ny Lanitra, ho ahy. Eny, tompoke!

⁴⁶ Ankehitriny, fa hitantsika hoe noresen'i Satana lahatra mora foana i Eva, hiala amin'ny Tenin'Andriamanitra, ka niankina tamin'ny fahalalany manokana izy, satria nampiditra zavatra iray tao aminy Satana izay tsy araka ny tena fahalalan'Andriamanitra ho azy. Fa nanana zavatra hafa iray notenenin'ilay fahavaloh taminy izy, Satana, ary nino an'izany.

⁴⁷ Ankehitriny dia hitantsika ny vokatr'io. Izany no nandentika ny taranak'olombelona manontolo tao amin'ny fahafatesana, satria ilay reny voalohany teto an-tany, dia niankina tamin'ny fahalalany manokana, nifanohitra tamin'ny Tenin'Andriamanitra, ary nandentika ny taranak'olombelona manontolo tao amin'ny fahafatesana. Ankehitriny mino an'izany ve ianareo? [Hoy ny fiangonana hoe, "Amena."—Mpand.] Izany no Teny. Eny, vehivavy iray foana no... .

⁴⁸ Ny fiangonana, ao amin'ny Baiboly, dia natao tandindon'ny vehivavy. Ary ny fiangonana iray amin'izao andro izao dia afaka manaiky andiana dogma na fanelek-pinoana, ary mandentika an'ilay fiangonana manontolo ao amin'ny fisarahana iray amin'Andriamanitra. Ireo olona izay manaiky an'ireo zavatra ireo, raha tokony ho ny Tenin'Andriamanitra, dia tahaka an'i Eva fotsiny. Ary izany no efatra hatrany sy hatrany, hany ka manao an'ilay taranaka manontolo hilentika miala lavitra ny Tenin'Andriamanitra izany.

⁴⁹ Ary rehefa tonga voaseho ny Teny, voambara ny Teny, dia tsy hanaiky an'Izany izy ireo, satria tsy hanao an'izany, satria miankina amin'ny fahalalany manokana izy ireo. "Ity fiangonana ity dia naorina teto. Toerana tsara tarehy iray izy. Rafi-pandaminana lehibe iray izy. Mambra iray an'ny vatan'olona malaza izy. Nahoana izahay no tsy hikambana

amin'izany? Hatoky azy aho." Aza matoky ny fahalalanareo manokana, fa matokia ny Tenin'ny Tompo!

⁵⁰ Ankehitriny—ankehitriny izany dia nifarana, tamin'ny farany, tao amin'ny fahafatesan'ilay taranaka manontolo, araka ny nolazaiko, mitovy ankehitriny, ho an'ireo olona maro izay miankina amin'ny fahalalan manokana, ireo dogmany sy ireo fanekem-pinoany, sy ny sisa, mihambo hoe, "Tsy dia marina avokoa ny Tenin'Andriamanitra rehetra, ka ny sasany amin'Izany dia voatsindrimandry ary ny sasany tsy voatsindrimandry." Ahoana no ahafahanareo hanana finoana ny Baiboly iray, raha ny ampanah'Izany dia voatsindrimandry ary ny ampanahany tsy voatsindrimandry? Raha ny anankiray, raha diso ny fanononana anankiray, amin'izay fotoana izay dia mety ho diso ilay zavatra manontolo. Tsy maintsy marina izy rehetra, marina tokoa.

⁵¹ Ary ny sasany amin'ireo sekoly Biblika mody antsoina, simba, mampianatra fahalalan'olona, fanangonana, izay hianganan'izy ireo miaraka ary mipetraka ao amin'ny filankevit'r'olona, ka manao hoe, "Ankehitriny jereo, raha ireo andron'ny fahagagana, efa nifarana tamin'ny andron'ireo apostoly izany." Ary lehilahy maro eo ambanin'ilay eveka na ireo lehilahy ambony, no hipetraka eo ka hanao hoe, "Eny, raha afaka hifanaraka aminy fotsiny aho, tsy isalasalana fa mety ho ao amin'ilay laharana manaraka ho eo amin'ny toerany aho." Hitanareo, amin'izay fotoana izay dia miankina amin'ny fahalalanareo manokana ianareo, raha tokony hijoro amin'ny tongotrareo roa ho an'ny Tenin'Andriamanitra. Izany no nahatonga an'ireo zavatra ireo.

⁵² Indray andro lasa, olona iray... Tao amin'ny fifandirana iray teo amin'ny hetran'ny vola miditra aho. Ary nilaza tamiko izy ireo, nanao hoe, "Nahoana, tsy misy afa-tsy saribakoly ireo mpitantan-draharahanao, heveriko."

⁵³ Hoy aho hoe, "Raha nanana mpitantan-draharaha iray aho teo amin'ny birao, izay nanana hevitra hafa iray, ka tsy nitsangana ary (tsy ahoako na iza no miresaka mikasika an'izany) haneho ny fahitany manokana an'izany, dia horoahiko hiala amin'ny birao izy." Eny, tompoko. Na dia nifanohitra tamin'ny finoako aza izany, dia tiako izy haneho an'izay heveriny fa marina. Ho an'izany no nametrahako azy teo, hahita izay lazainy mikasika an'izany. Saingy manana an'izany isika.

⁵⁴ Mariho, Jesosy no nilaza, ao amin'ny Masindahy Jaona 10 hoe, "Ny Ondriko mahalala Ny Feoko." Ny Feo, mazava ho azy, dia Ny Teniny, rehefa miteny Izy. "Ny Ondriko mahalala Ny Feoko. Ny Feoko dia efa voaporofa tamin'izy ireo, ho marina. Izany dia efa nohamarinina fa Ny Feoko izany." Ankehitriny, mariho ankehitriny, tsy natao hanaraka feo hafa izy ireo. Tsy hanaraka izy ireo. "Ny Ondriko mahalala Ny Feoko, ary tsy hanaraka vahiny izy ireo." Amin'ny teny hafa dia, tsy

hahazo teny ara-teolojia iray izay mampianatra mifanohitra amin'ny Teny izy ireo. Ny ondry dia tsy mahazo an'izany mihoatra nohon'ny tsy ahafahan'ny voromahery, omaly hariva, hahazo an'ilay fikohokohon'ny akohovavy. Tsy azon'izy ireo izany, satria voromahery iray izy. Ary tahaka an'izany ny zanak'Andriamanitra iray tena izy nateraka indray, ireo zavatra izay avy amin'Andriamanitra irery ihany no azon'izy ireo.

⁵⁵ Ankehitriny hoy ny olona iray hoe, “Eny, ankehitriny jereo, afaka hanao an’ity ianao, heveriko. Izany dia, mino aho fa tsy tahaka an’izao izany. Mino aho fa efa lasa ireo andron’ny fahagagana. Tsy mino aho fa izany no fanasitranana avy amin’Andriamanitra. Tsy mino an’Ity aho.” Ankehitriny ny Kristiana iray tena izy nateraka indray, izay tsy hampijanona mihitsy ny sofiny, dia tsy mahazo an’izany mihitsy izy. Ary ahoana no ahafahan’ny olona iray izay mino an’Andriamanitra, sady afaka mamaky ny Baiboly ka mahita fa Izy no tsy miova omaly, anio, ary mandrakizay, mba afaka hanaiky zavatra iray tahaka an’izany, tsy azoko izany.

Noho izany dia tsy miankina amin’ny fahalalany manokana izy ireo.

⁵⁶ Ohatra fotsiny ny—ny zazakely iray. Alaivo ny zaza kely iray, ary avelao izy ho teraka dia avelao izy hiankina indray mandeha eo an-tratran’ny reniny, hinono aminy, ilay ronono mafana, ankino eo amin’ny tratrany ny loha keliny, na dia ora vitsy fotsiny aza ny taonany. Afaka iray andro na roa avy eo, dia ento izy hanalavitra ny reniny ary atolory eo an-tratran’ny reny hafa iray, hanatsipatsipaka an’ireo tongotra keliny eny amin’ny rivotra izy ary hikiakiaka. Tsy reniny ilay izy. Hitanareo, efa nanana zavatra iray mikasika azy izy, satria ampanhan’io reny io izy, efa nanomana fomba iray ho azy hahafantarana ny mamany manokana ny natiora.

⁵⁷ Ary raha nanomana fomba iray ho an’ny zazakely iray hahafantarana ny reniny ny natiora, avy amin’izay nahaterahany, tsy mihoatra noho izany ve ny zanak’Andriamanitra iray izay nateraky ny Fanahin’Andriamanitra. Mahafantatra ny Mamany izy! Mahafantatra izy, satria nateraky ny Teny, ary azony ny Teny. Apetraho ao amin’ny toerana hafa iray izy, fa izy tokoa dia any ivelan’ny—ivelan’ny toerana, hivoaka avy eo haingana arak’izay vitany izy. Satria izy dia manana, izy tsy miankina . . .

Hoy ny olona iray hoe, “Ankehitriny andraso, ry malala, ity ny mamanao ankehitriny.”

⁵⁸ Tsy mamany ilay izy, satria manana fomba iray izy hahafantarana fa ampanhan’io reny io izy. Io no reniny, tsy misy olon-kafa afaka haka ny toerany mihitsy. Fantany ny reniny manokana. Mariho, ahoana ny, ahoana fa tahaka an’izany

tokoa ilay izy. Nanao ny zavatra rehetra araka ny karazany Andriamanitra.

⁵⁹ Ny biby fiompy araka ny karazany. Matetika teo ampanaovana famoriana iray, dia nentinay ireo andiana biby fiompy manontolo sy ireo zanak'omby kely, nanontany aho taloha hoe ahoana no mba hahafantaran'izy ireo an'ireo mamany manokana. Ankehitriny, izy ireo, midina avy eny antendrombohitra izy ireo, ilay biby fiompy mifangaro miaraka. Ny—ny—ny ombivavy izay miaraka amin'ilay zanak'omby, angamba ny zanak'omby kely noana iray dia mety hinono vetivety amin'ilay reny hafa, raha tena noana izy; saingy rehefa ajanonay izy ireo, teny an-tanety, dia manomboka mitety an'ireo ombivavy marobe sy zanak'omby ireo io mama io mandrapahitany ny azy manokana, ary mihazakazaka mankany amin'ny reniny ilay zanak'omby. Fantany io fitaraindrainana hafa kely sy ny antsoantsony io. Ary miantsaantsio an'io zanak'omby io izy, ary miantsaantsio ireo reny hafa hany ka tsy afaka mandre ny tenanareo mieritreritra akory aza ianareo, fa hahita an'io antso hafa avy amin'ny reniny io ilay zanak'omby kely, satria ampanhan'ilay reny izy.

⁶⁰ Ary ny Kristiana iray nateraka indray avy any An-danitra, dia ampanhan'ity Teny ity izy. Marina. Tsy hanaraka mama hafa iray izy. Ampahan'ny Teny izy. Mijanona miaraka amin'ny Teny izy. "Raha manao feo hafahafa ny trompetra, dia iza no afaka hanomana ny tenany ho amin'ny ady?" hoy i Paoly. Fantany ny feon'ny Teny. Mariho hoe ahoana—ahoana izany, ilay tangan'Andriamanitra voafidy mialoha no manaraka azy ireo hatrany. Fantany fa voatendry izy, ao amin'ny Fahamarinan'ny Filazantsara izy. Fantany fa nateraky ny Fanahin'Andriamanitra izy. Fantany fa tsy afaka mandà ny Tenin'Andriamanitra ny Fanahin'Andriamanitra, koa noho izany dia tsy hanaraka vahiny iray izy. Mariho hoe ahoana... .

⁶¹ Niverina njery naoty iray aho eto izay nosoratako eto. Izaho—nandalovako izany, saingy sendra nahita ny famakiana ny Soratra aho, nieritreritra fa hitodika amin'izany indray. Mariho hoe nahoana no nanaraka Azy ny Ondriny manokana voafidy mialoha, tao amin'ny andron'ireo teolojiana malaza indrindra izay hany nananantsika mihitsy. Nivoaka avy hatrany izy ireo, satria nahafantatra Azy. Fantatr'izy ireo hoe inona no nampanantenain'ny Teny ho an'io andro io. Fantatr'izy ireo hoe ho tahaka ny inona ilay Mesia rehefa tonga Izy. Ary nanatona Azy i Simona Petera, izay "Simona" fotsiny ihany tamin'izany fotoana izany.

⁶² Ary nanandrana niteny taminy mikasika an'izany i Andrea. "Ity Lehilahy ity no Mesia." Eny, Simona, mazava ho azy, mafy loha kely angamba izy, ka tsy te-handeha.

⁶³ Fa rehefa nandroso teo amin'ny Fanatrehan'i Jesosy izy, rehefa hoy Jesosy hoe, "Ny anaranaao dia Simona, ary ianao dia zanak'i Jonasy." Fantatsika ankehitriny fa niteny tamin'ireo Apostolin'y Jesosy hoe efa nahafantatra azy ireo Izy, ary izy, "talohan'ny fanorenana an'izao tontolo izao." Efa toetran'ny Fisainany izy ireo. Noho izany, satria nipetraka tao anatin'io voa io, ka fantany fa ny Teny no nilaza ary efa nampanantenaina fa ho mpaminany iray ny Mesia. Ary rehefa hitany izany, dia najanony ny fanjonoana. Fantany tamin'izay fotoana izay fa hametraka ny haratony izy, satria izy dia handeha—handeha ary ho lasa mpanarato olona. Satria...

⁶⁴ Ankehitriny, nisy an'ireo hafa nitsangana teo, izay nahita an'ilay zavatra iray ihany natao, ka nanakilasy an'izany ho "fanahy ratsy." Ireo teolojiana izany, satria tsy tao anatin'ilay tsiron'ny fampianaranana ara-teolojian'izy ireo ilay izy. Ary nolavin'izy ireo izany, satria niankina tamin'ny fahalalany manokana izy ireo, avy amin'ireo dokoterany; fa, tonga tamin'ny fanatanterahan'ny Tenin'ny fampantanenana Jesosy Kristy, nefo jamba loatra izy ireo mba hahita an'izany. Niankina teo amin'izay nolazain'ireo mpisorona izy ireo, ary teo amin'izay nolazain'ny fiangonana, raha tokony ho teo amin'izay nolazain'Andriamanitra.

⁶⁵ Ankehitriny dia niteny mafy azy ireo Jesosy noho izany. Hoy Izy hoe, "Zahao ny Soratra, satria ao Aminy no ilazanareo fa hanananareo Fiainana Mandrakizay. Ary Ireo no Hany manambara Ahy. Ireo Soratra izay Angatahako aminareo mba ho zahana, izy ireo no miteny aminareo hoe iza Aho."

⁶⁶ Fa tsy niankina tamin'izay nolazain'ny Teny izy ireo, fa niankina tamin'izay fahalalan'izy ireo. Niankina tamin'ny fahalalany manokana izy ireo. Ary ny Soratra no miteny amintsika fa nisy voaly izy ireo. Ny voalin'ny teolojian'izy ireo manokana no nanajamba azy ireo.

Hoy ianareo hoe, "Rahalahy Branham, inona no tianao ahatongavana?"

⁶⁷ Ity no tiako ahatongavana. Eo am-pisehoana indray io zavatra io, hany ka, ireo lehilahy sy vehivavy ary ny olona dia hiankina amin'ny fiangonana iray izay nikambanan'izy ireo sy nisy azy ireo, tsy mampaninona izay lazain'ny Tenin'Andriamanitra mikasika an'izany. Manohy avy hatrany miaraka amin'izany izy ireo, miankina amin'ny fahalalany manokana, ary minia tsy mahalala ny Tenin'Andriamanitra, toy ny hoe tsy voasoratra (mihitsy) akory aza Izany. Izany no voa tsy lonaka an'ny ain'olombelona. Manana ny aina ara-batana izy, fa tsy misy aina ara-panahy ho velomina ao anatin'. Ilay voaly no eo amin'ny tavan'izy ireo.

⁶⁸ Mariho ankehitriny, nanana ny fisainany manokana izy ireo ny amin'ny hoe tokony ho inona Andriamanitra, nanana ny

heviny manokana izy ireo ny amin'ny hoe tokony ho inona ny Mesia. Saingy ny Teny no nilaza hoe tokony ho inona ny Mesia! Ankehitriny, hitanareeo, nanana ny fahalalany manokana izy ireo ny amin'ny hoe ho inona Izzy. Tsy isalasalana fa hoy ilay mpisoronabe hoe, "Ry mpisoroko rehetra eo ambaniko, ankehitriny rehefa tonga ny Mesia . . . Efa nanorina tempoly iray lehibe isika eto. Efa nanao an'io rehetra io isika. Ary hoy ny Baiboly hoe, 'Ho avy faingana ao amin'ny Tempoliny Izzy,' sy ireo zavatra rehetra ireo. Rehefa manao Izzy, ho tonga avy hatrany eto ny Mesia ka hampahfantatra ny Tenany amintsika, ary hanao hoe, 'Izaho no Mesia. Tonga Aho. Izaho ilay Mesia izay nandrasanareo.'" Eny, rehefa tonga Izzy, dia tonga tamin'ny fomba iray hafa noho izay niheveran'izy ireo fa haha-izy azy Izzy, ka tsy nahalala Azy izy ireo. Tsy nahafantatra izy ireo hoe Iza Izzy. Fa Ny . . .

⁶⁹ Oh, raha . . . ahoana moa raha nandeha teo ny mpihatsaravelatsihy iray ka nanao hoe, "Izaho no Mesia. Izaho no Dokotera *Ranona-sy-ranona*"? Ho nanaiky an'izany izy ireo.

⁷⁰ Fa rehefa manatona Lehilahy anankiray izay teraka tamin'ny fahaterahana maizina iray ianareeo Aoriany, tsy nisy fahaizana avy amin'ny sekoly iray izay hany Nandehanany, mba hianarana, tsy nisy seminera iray Nananany, tsy nisy karapiombonana; saingy Izzy no fandikana ny Tenin'Andriamanitra, tonga voaseho. "Ireo asa, izay Ataoko, no miteny aminareo hoe Iza Aho. Raha tsy manao an'ireo asa izay nampanantenaina fa Hataoko Aho, amin'izay fotoana izay dia aza mino Ahy."

⁷¹ Ary tsy afaka hampihatra an'izany amin'izao andro izao ve isika? Rehefa tonga ny Fanahy Masina, izay tian'izy ireo hampiharina amin'ny taona hafa iray, rehefa tonga ao amin'ny hetsika sy fanehoana ny Heriny an'ny Fiainana Mandrakizay Izzy, ny olona dia te-hiantso an'izany ho—ho "fanatism tsy voafehy." Nahoana? Miankina amin'ny fahalalany manokana izy ireo, fa tsy amin'ny Tenin'ny Tompo. Fantatrareo fa marina izany.

⁷² Ny fanondroana, an'io Andriamanitra io, ny fandikana Manokana dia ny fanehoana ny teny fikasana.

⁷³ Hilaza an'izany angamba aho, hanao azy mazava kely kokoa. Rehefa miteny ny Teny Andriamanitra, dia tsy mila lehilahy iray na vehivavy iray Izzy, na olon-kafa iray, hilaza hoe inona no dikan'Izany. Rehefa nilaza Izzy . . . Eny, hoy ianareeo hoe, "Izao no tian'Andriamanitra lazaina." Izay Lazainy fa Tiany ho lazaina no tian'Andriamanitra ho lazaina. Hitanareeo?

⁷⁴ Ankehitriny dia ahoana no Andikany Ny Teniny Manokana? Amin'ny fanatanterahana an'Izany. Hoy ny Baiboly hoe, "Hanan-anaka ny virijiny," dia nanana izy. Tsy mila fandikana iray izany. Hoy Andriamanitra hoe, "Aoka hisy mazava," dia nisy teo. Tsy mila fandikana iray izany.

⁷⁵ Andriamanitra dia nilaza, ihany koa, fa amin'ny andro farany dia, "Handatsaka Ny Fanahiny amin'ny nofo rehetra Izy," ary Nataony izany. Tsy mila fandikana iray izany. Mila fanekena iray fotsiny izany, olona iray mba hanaiky izayefa nataon'Andriamanitra. Tsy mila fandikana iray izany. Andriamanitra no mandika Ny Teniny Manokana. Andriamanitra no nampanantena an'ireo zavatra izay hitantsika, isan'andro isan'andro, fa Hataony izany amin'ny andro farany.

⁷⁶ Ny olona amin'izao andro izao, tahaka azy tamin'izany, dia miankina amin'ny fahalalany manokana izy ireo. "Ny pasiterako no milaza fa izany no 'fanatisma.'" Saingy ny Baiboly no nilaza fa hitranga izany. Fahalalan'iza no hiankinanareo?

⁷⁷ Ny Baiboly no nampanantena amin'ny andro farany, fa, "Ho lasa tena manan-karena ilay Taanon'ny Fianganana Laodikia, ary ho lasa tena faham-...na ao anatin'ny fahampiana avy amin'ny azy ireo manokana, 'Manan-karena aho. Tsy mila na inona na inona aho. Mipetraka toy ny mpanjakavavy aho.'" Ary manan-karena izy. Fa hoy Izy hoe, "Tsy fantatrao fa mahantra ianao." Ankehitriny dia izany ilay taom-pianganana manontolo, ilay fianganana! "Ho an'ny fianganan'i Laodikia, ianao dia mitanjaka, jamba, malahelo, mahantra, nef a tsy fantatrao izany." Mipetraka ao amin'ireo harenany, an'alinaliny sy an'alinaliny, ary mambra an'arivony, eo an-tanany ny harenan'izao tontolo izao, saiky. Raha apetraka miaraka izany, amin'izao daty izao, miaraka amin'ny fianganana Katolika sy ireo Protestanta, miaraka, satria handeha hiaraka izy ireo, dia izy ireo no manana ny harenan'izao tontolo izao.

⁷⁸ Potika isika ao amin'ity firenena ity, saiky mihitsy. Mindrana eo amin'ny hetra izay haloa afaka efapolo taona manomboka izao isika, izy ireo no miteny amiko, araka ny nolazain'izy ireo teo amin'ny *Life Line*. Ireo hetra, izay lanantsika ankehitriny, dia haloa efapolo taona manomboka izao. Ny zafikeliko, raha maharitra Jesosy, ireo hetra izay haloany rehefa efapolo taona izy, isika no mandany an'izany ankehitriny. Mandefa fanampiana mankany ivelany, nef ireo Indianantsika manokana sy ny sisa dia maty noana; miezaka mividy fiombonana. Tsy mividy fiombonana ianareo. Tsy mividy sakaiza iray ianareo. Tsia, fa izany no ataontsika. Tahaka an'izany no irafetsantsika, mampandoa hetra ny olona amin'ny zavatra rehetra izay azon'izy ireo angalana, hetra, hetra, hetra. Fa tsy mbola ho afaka amin'ny trosan'ny ady isika mandritry—mandritry an-jato taonany, heveriko, izay nampidirana antsika tamin'ny alàlan'ireo politisiana. Nef ireo tsy tokony ho tahaka an'izany isika ankehitriny. Tsy misy antony haha-tahaka an'izany antsika.

⁷⁹ Saingy ireo fianganana, izy tenany, no lasa manan-karena. "Saiky ny harenan'izao tontolo izao mihitsy," hoy ny Baiboly,

"no mipetraka ao amin'ny fiangonana Katolika." Izany no antony nandroahan'i Rosia azy, antony nandavan'i Rosia. Izany no tena fakam-bozaky ny kominisma, satria ny fiangonana dia nampianatra mba ho lasa zavatra iray, nefo tsy misy fahasamihafany amin'ny sisa amin'izao tontolo izao.

⁸⁰ Rehefa tany Finland tany izahay, dia nitsangana tamin'ny maty ilay zazalahy kely. Nitsangana teo ireo miaramila Rosiana nanao jery atrika, ka hoy izy ireo hoe, "Handray Andriamanitra iray izay afaka manangana ny maty izahay."

⁸¹ Nanao anaram-piangonana isika, sy ireo sekoly ary—ary tranobe, nefo diso tamin'ny fanaovana an'izay notenenin'i Jesosy tamintsika mba hatao, dia "Mitory ny Filazantsara." Niezaka nampianatra an'izao tontolo izao isika. Izy tsy nilaza mihitsy hoe, "Ampianaro izao tontolo izao; izay nianatra no hovonjena." Tsy maintsy ateraka indray ianareo, feno ny Fanahy. Izany no antony nahatonga antsika tsy nahomby fadiranovana, hatraiza hatraiza. Hitanareo, manana ny harena isika, manana an'ilay zavatra isika.

⁸² Inona no hitranga ankehitriny? Ary rehefa io fiangonana io, Fiombonamben'ny Fiangonana Maneran-tany, no mandeha miaraka, dia tsy afaka mahita ve ianareo hoe iza no hanao an'ilay fitarihana? Tsy afaka mahazo an'izany ve ianareo Metodista sy Presbyterana, ny sisa aminareo, na dia ireo Pentekotista aza? Milaza ianareo fa tsy hiditra. Na ianareo hiditra na ianareo hamotika an'ilay anaram-piangonana. Na ianareo hanao ny anankiray na ilay hafa. Eo anoloanareo mihitsy izany, tsy maintsy ataonareo izany. Fanerena iray izany, ny mariky ny bibidia. Ary izany ilay izy, marina tokoa. Fanaovana anaram-piangonana tanteraka (afaka manaporofo an'izany amin'ny alàlan'ny Baiboly aho) no mariky ny bibidia. "Mpijangajanga iray izy; manana zanakavavy mpivarotena izy." Ary fantatsika fa izany no Fahamarinana. Fivavahana voarafitra, mifanohitra amin'ny Teny izany, ary antikristy iray izay ao amin'ireo fitsipiny. Tsy ny zavatra rehetra ao no antikristy; fa ao amin'ireo fitsipiny, ny rafitra no antikristy, satria manohitra ny Tenin'Andriamanitra izany. Tahaka an'izany ny rafitra rehetra voarafitra.

⁸³ Eo ianareo izao, hitanareo, nefo ianareo dia miankina amin'ny fahalalan'olon-kafa manok-...ny fahalalan'izy ireo, raha tokony hiankina amin'ny fahalalan'Andriamanitra, amin'ny alàlan'izay nolazain'Andriamanitra mikasika an'izany. Izany no antony mahadiso an'ilay izy. Mandeha mankany amin'ireo seminera izay manana fianarana tsara ireo zazalahy, mankany amin'ireo sekoly Biblika, mody antsoina. Ary angamba izy ireo dia manana—manana antson'Andriamanitra iray ao ampony. Dia mandeha mankany izy ireo ary tena nampianarina loatra tamin'ny fijery anankiray izy ireo, hoe, "Ranona-sy-ranona no nilaza an'izany, Eveka Ranona-sy-ranona. Ity

anankiray ity no nilaza an'izany. *Itsy* anankiray itsy no nilaza an'izany. Nanaiky ilay fiombonamben'ny lehilahy, fa tokony ho tahaka an'ity izany."

⁸⁴ Tsy ahoako izay lazain'ny olona iray! Hoy Jesosy hoe, "Aoka ny tenin'olona ho lainga, fa ny Ahy ho ny Fahamarinana. Tsy mampaninona na an'iza ilay izy, ny Ahy ho ny Fahamarinana!"

⁸⁵ Ahoana no ahafantarantsika ankehitriny hoe inona no Fahamarinana? Rehefa manambara ny Baiboly fa hisy zavatra hitranga, fa hisy zavatra iray hiseho, ka mitranga tahaka an'izany ilay izy.

⁸⁶ Ankehitriny, hoy ny Baiboly hoe, "Tao aminy no nisy ny—ny harenan'izao tontolo izao; volamena, volafotsy."

⁸⁷ Ankehitriny raha eo amin'ny mari-bolamena no misy antsika, ka rava isika, ankehitriny dia inona no hitranga? Inona no hitranga? Fantatrareo, ireo olona manan-karena an'ity firenena ity, ireo orinasa goavana, ary ireo olon'ny whisky sy ireo olon'ny paraky, sy ny sisa tahaka an'izany, dia tsy hanaiky hanova ny vola fampiasa, noho izany ny zavatra tokana tsy maintsy hataontsika dia ny mindrana an'izany. Ary toerana tokana ihany no azontsika hindramana an'izany. Fa rehefa mindrana isika, dia mivarotra ny fizokantsika ho amin'izany. Marina izany. Amin'izay fotoana izay dia inona no hataonareo? An'izany ianareo, io rafitra io. Tsy misy na inona na inona hafa, azonareo hatao.

⁸⁸ Oh, ry olona, aza mihevitra fa izaho... Mety mihevitra ianareo fa adala aho. Saingy rehefa ampanginina ao amin'ny fahafatesana ny feoko, dia mbola halefa foana ireto horonam-peo ireto, ary ho fantatrareo fa niseho izay nolazaiko. Izaho no ho olona very saina indrindra maka ny toerana izay noraisiko, hatramin'ny fanoherana an'io zavatra io mihitsy aza, izaho—izaho dia—hanohitra an'Andriamanitra aho, hanohitra ny zavatra rehetra izay Andriamanitra aho, raha izaho (raha izaho no efa) diso tao amin'ny fisainako sy ny antsoko. Hanohitra an'Andriamanitra ilay zavatra. Saingy naka ny toerako aho satria hitako eto amin'ny Teny eto izany. Izany no Tenin'Andriamanitra. Avy eo dia hitako fa voamarina izany, voaporofa izany no Fahamarinana. Izany no fandikana izay omen'Andriamanitra avy amin'Ny Teniny. Ny fandikan'Andriamanitra Manokana Ny Teniny dia hoe ahoana no Anamarinany an'Izany ary anaovany an'Izany ho marina.

⁸⁹ Nahoana no jamba ireo Fariseo ireo? Inona no nahatonga azy ireo ho jamba? Satria tsy nanaiky ny fanambarana na ny fanamarinana ny Teny izy ireo.

⁹⁰ Ary izany no antony mahajamba an'ireo fiangonana amin'izao andro izao, dia satria tsy hanaiky ny fanambarana izay efa voamarina izy ireo. Raha tahaka an'izany no lazain'ny

Teny, ka voambara izany, ary avy eo dia voaporofo, dia mbola tsy hanaiky an'Izany foana izy ireo.

⁹¹ Izany no antony mahatonga an'ireo Jiosy, ireo Jiosy hatramin'ity andro ity, tsy hanaiky. Tsy afaka miresaka amin'izy ireo mikasika an'i Kristy ianareo, satria mbola eo amin'ny tavan'izy ireo foana ilay voaly, jamba.

⁹² Ary ny fiangonana, tsy afaka miresaka amin'izy ireo mikasika ny Filazantsara sy ny herin'Andriamanitra ianareo, satria ny andriamanitr'ity izao vontolo izao ity no nanajamba azy ireo ny amin'ny fahamarinan'Andriamanitra, ary miankina amin'ny fahalalany manokana izy ireo. Rehefa miditra ao ampiangonana ireo vehivavy ka manapaka ny volony, satria ny pasiterany dia miteny amin'izy ireo hoe, "Oh, mety tsara izany. Adala izany lehilahy izany." Nefa ny Baiboly no nilaza fa nanao ratsy izy rehefa manao an'izany, nandà tsy hamaly ny fivavahany Andriamanitra. Ary ny sasany amin'ireo vehivavy ireo dia manao henatra hafa, ka miezaka ny ho mpitoky teny iray, amin'izay fotoana izay dia manao zavatra roa izy ireo. Ny Baiboly dia nilaza fa tsy tokony hanao an'izany izy ireo, na ny iray amin'izany aza. Fa hanaiky an'izany ny rafi-pandaminan'ny fiangonana, ka manendry azy sy maniraka azy. Miankina amin'ny fahalalany manokana izy ireo!

⁹³ Ny Tenin'Andriamanitra anankiray diso fametraka, na diso fandika, na tsy ekena Izany, dia manapaka an'ilay Rojo manontolo. "Tsy ny mofo ihany no iveloman'ny olona, fa ny Teny rehetra izay aloaky ny vavan'Andriamanitra."

⁹⁴ Nahoana izany, ry vehivavy, mandre ahy mitory manohitra an'ireo zavatra ireo ianareo, ny amin'ny fanaovana sorta, sy ireo lokon-tarehy, sy—sy ny taovolo amin'io volo tapaka eto io, ary io karazan-javatra rehetra io, nefo avy eo rehefa miverina aho isan-taona dia mbola mipetraka ao anatin'ilay toerana iray ihany ianareo? Izany dia satria miankina amin'ny fahalalanareo manokana ianareo raha tokony amin'ny Tenin'ny Tompo.

⁹⁵ Ary, ry pasitera, nahoana ianareo no tsy manadio ny fiangonanareo? Satria manaraka ny fanekem-pinoan'ny anaram-piangonanareo ianareo raha tokony ny Tenin'ny Tompo. Marina. Aza miankina amin'ny fahalalanareo manokana. Eny, aza miankina amin'ny fahalalanareo manokana, fa amin'ny Tenin'ny Tompo.

⁹⁶ Tsy hanaiky an'izany izy ireo, satria tsy hanaiky ny fanamarinana izy ireo. Jesosy dia tonga niaraka tamin'ny—ny Filazantsara, tamin'ny fomba marina tokoa izay Nilazany fa Hahatongavany. Matetika mihitsy aza...

⁹⁷ Nisavoritaka kely i Jaona rehefa natsipy tao antranomaizina izy, ary izy—tonga teo izy... Ary nitoky izy fa hisy "Fihavian'ny Mesia, Izay eny an-Tanany ny fikororohana; hanadio tanteraka ny Famoloany Izy, ary handoro ny ampombo

amin'ny afo tsy mety maty, ka hanangona ny vary any an-tsompitra." Ny Fanahin'Andriamanitra izay nivoaka, nifantsitsitra avy tao aminy tahaka ny—tahaka ny loharano iray. Ary tamin'izay fotoana izay rehefa nahita an'i Jesosy tonga teo amin'ny sehatra izy, ilay karazana Lehilahy kely, malemy fanahy, ambany izay natositosika, dia nandositra teto, nohon'ny Ainy, sy tetsy. Nahoana, izy ireo dia tsy . . .

⁹⁸ Tsy nety azon'i Jaona izany, noho izany dia naniraka ny sasany tamin'ireo mpianany izy mba hahita avy amin'i Jesosy raha Izy marina no ilay Anankiray. Fanalam-baraka iray toy ny inona ho an'i Jesosy! Rehefa avy nitsangana teo tao anatin'ilay rano io mpaminany io, niaraka tamin'ny Tenin'Andriamanitra, nanao hoe, "Fantatro Izy, satria hitako ny—ny Fanahy Masina, tahaka ny voromailala iray, Andriamanitra nidina avy tany An-danitra tahaka ny voromailala iray ary niditra tao Aminy, ary nandre Feo iray avy tany An-danitra aho, nanao hoe, 'Ity Ny Zanako malalako,'" nefo avy eo dia hoy i Jaona hoe, "Mandehana, anontanio Izy raha Izy marina no ilay Anankiray, sa—sa—sa, 'Hiandry iray hafa isika?'"

⁹⁹ Ankehitriny tsy nandefo boky iray ho azy Jesosy ny amin'ny hoe ahoana no hitondrana tena ao an-tranomaizina, na fiangonana inona no tokony hikambanany. Fa hoy Izy hoe, "Mijanona eto vetivety dia diniho izay mitranga, ary avy eo dia mandehana asehoy an'i Jaona ireo zavatra izay hitanareo sy natao," satria ireo Asany izay Nataony no nanamarina Azy ho ny Mesia, ilay Zanak'Andriamanitra. "Sambatra izay tsy tafintohina nohon'ny Amiko."

¹⁰⁰ Noho izany dia maro ireo lasa tafintohina. Noho izany dia maro ny olona no lasa tafintohina mora foana amin'ny Tenin'Andriamanitra. Izany—mifanohitra izany, te-hiakina amin'ny fahalalany manokana izy ireo. Tsy te-handray ny Tenin'ny Tompo izy ireo. Ary izy ireo dia voatery handeha fotsiny amin'ny fomba izay—izayefa nampianarina azy handehanany. Ary ny fomba nampianarana azy ireo, dia izany no iankinan'ny fiangonany. Tsy mampaninona raha nampanantena Andriamanitra fa Izy dia—handefa ranonorana Izy, hisy ranonorana ny maraina, ka ny fiangonana nilaza fa "fahadalana izany," dia hino ny fiangonana izy ireo raha tokony ho Andriamanitra. Satria nahoana? Nateraky ny fiangonana izy ireo.

¹⁰¹ Fa ny olona iray izay naterak'Andriamanitra, dia avy amin'ny Voan'Andriamanitra. Ary ny voan'Andriamanitra dia ny Tenin'Andriamanitra, ary mivelona amin'Izany irery ihany izy. Izany no Fiaianany.

¹⁰² Ankehitriny, niankina tamin'ny fahalalany manokana izy ireo, fa tsy niankina tamin'ny Tenin'Andriamanitra. Nahafantatra tsaratsara kokoa izy ireo. Tao amin'ny Soratra

izany. Izy ireo dia niantso an'izany ho "fanahy ratsy," io Lehilahy io. Satria nahoana? Hoy ny mpisoron'izy ireo hoe, "Ny olona rehetra izay mandeha mihaino an'io Lehilahy io mitory teny, dia ho voaroaka avy ao amin'ny synagoga izy ireo."

¹⁰³ Rehefa sitrana ny lehilahy iray izay jamba indray mandeha, tamin'ny alàlan'i Jesosy. Na dia ireo raiamandreniny aza, tena faly mikasika an'ilay fahasitranana, saingy natahotra ny hilaza izy ireo fa Jesosy no nanao an'izany. Hia.

Hoy izy—hoy izy hoe, "Zanakalahinareo ve ity?"

Hoy izy, "Eny."

Hoy izy, "Iza no nanao azy ho salama?"

¹⁰⁴ Hoy izy, "Izaho—tsy fantattro." Hoy izy, "Efa tonga taona izy, anontantio izy. Izy, afaka miresaka amin'ny tenany izy."

¹⁰⁵ Satria, efa voalaza, fa, "Ny olona rehetra izay niankina tamin'ny Azy, ny fahalalan'i Kristy," raha tokony ho ny fahalalan'izy ireo, "dia ho voaroaka avy ao amin'ny fiangonan'izy ireo." Tsy ilay iray ihany mihitsy ve izany ankehitriny? Mametraka fanontaniana iray mazava be aminareo aho. [Hoy ny fiangonana hoe, "Amena."—Mpand.] Marina izany. Manao sary an'ilay zavatra iray ihany izany. Tsy mampananiona izay atao'Andriamanitra, ilay izy dia tsy maintsy araka ny fahalalan'izy ireo, fa tsy izay amarinin'Andriamanitra ho ny Fahamarinana. Ankehitriny, ary nahazo an'ilay valiny io lehilahy io, na izany aza.

Hoy izy hoe, "Iza no nanasitrana anao?"

Hoy izy hoe, "Anankiray izay antsoina hoe Jesosy avy any Nazareta."

Hoy izy, "Mpanota Izy. Tsy fantatray hoe avy taiza Izy."

¹⁰⁶ Hoy izy hoe, "Zavatra hafahafa izany ankehitriny. Ianareo no natao ho mpitarika an'ity ora ity. Nefa indro ny Lehilahy iray izay nanokatra ny masoko, izay tsy mbola natao hatramin'ny nanombohan'izao tontolo izao, kanefa dia milaza ianareo fa tsy fantatrateo hoe avy taiza Izy." Oh, oadray!

¹⁰⁷ Nahoana? Niankina tamin'ny fahalalany manokana izy ireo raha tokony ny Tenin'ny Tompo. Satria hoy Isaias hoe, "Hahita ny jamba, hitsambikina tahaka ny ombimanga ny malemy, hivoaka amin'ny fifaliana ireo tany efitra." Saingy hitanareo fa niankina tamin'ny fahalalany manokana izy ireo, fa tsy tamin'ny Teny; ny rafitranay manokana izay natsangan'izy ireo.

¹⁰⁸ Mariho ankehitriny fa manao an'ilay zavatra iray ihany ireo fiangonana amin'izao andro izao. Nanao firazanana ambony lehibe an'ny fahalalana izy ireo, ao amin'ny rafitrapa ara-anaram-pianganany. Ka, manana fahalalana ambony iray tahaka an'izany izy ireo, tsy mila na iza na iza hafa hiadaladala

amin'izany, na iza na iza hiditra raha tsy hoe mikambana amin'io vondrona io izy ireo.

¹⁰⁹ Aza miteny amiko; mipetraka any Tucson aho, Arizona. Tonga tany aho telo taona lasa izay, nihaona tamin'ilay filankevitr'ireo fiangonana, ka hoy aho hoe, "Tsy tonga hanomboka fiangonana iray mihitsy aho. Tonga hiombona aminareo aho. Tonga hanampy anareo aho. Misionera aho, evanelista, na inona na inona ataoko."

Hoy izy ireo hoe, "Tonga hanomboka fiangonana iray eto ve ianao?"

¹¹⁰ Hoy aho hoe, "Tsia, tompoko. Tonga eto aho... Raha mila fiangonana iray aho, dia manana anankiray aho any Indiana." Hoy aho hoe, "Tonga eto aho satria ny Tompo no nitarika ahy eto tao amin'ny fahitana iray. Hijanona vetivety fotsiny aho ankehitriny, raha tsy hoe Izy no mitarika ahy any, fa tsy tonga hanomboka fiangonana iray mihitsy aho. Tonga hanampy anareo rahalahy aho."

¹¹¹ Telo taona lasa izany. Tsy mbola nasaina tany amin'ny toerana anankiray mihitsy aho. Nahoana? Satria nisy fiarahamiaraka iray tao aorian'izany avy hatrany, ary voalaza fa, raha misy olona iray naka ahy teo amin'ny polipitrany, dia handroaka an'io mpitory teny io izy ireo. Hitanareo? Nahoana? Miankina amin'ny fahalalan'izy ireo manokana! Izany tokoa, izany ilay mody antsoina, manao ny fahalalany ambony izy ireo.

¹¹² Raha tsy hoe mametraka ny anaranareo eo amin'ny bokiny ianareo, ianareo dia... very ianareo. Mpitoriteny iray no niteny tamiko an'izany. "Oh," hoy ianareo, "mpisandoka iray izany." Pentekotista iray izany.

¹¹³ Nipetraka teo izaho sy Jack Moore ary nihaino azy tany Dallas, Texas. Nilaza izy fa izy dia, "Tsy maintsy hanala lehilahy iray avy ao amin'ilay boky."

Hoy aho hoe, "Nahoana?"

"Satria niombona taminao izy."

Hoy aho hoe, "Eny, esory izany."

Hoy izy hoe, "Eny, very izy amin'izay fotoana izay."

Hoy aho hoe, "Very?"

"Nahoana," hoy izy, "raha tsy eo amin'izany ny anarany!"

¹¹⁴ Hoy aho hoe, "Ny tianao lazaina ve dia hoe presbyterian'ny distrika iray ianao nefo mino an'izany?"

Hoy izy hoe, "Izany no fahamarinana."

¹¹⁵ Hoy aho hoe, "Tapaho ilay telefona, ramose. Ianao, ianao... Tsy izany no fahasoavan'Andriamanitra, izany—izany, hitanao."

¹¹⁶ "Fa tamin'ny Fanahy iray no nanaovana batisa antsika rehetra tao amin'ny Vatana iray, ary lasa mambra an'io Vatana

io.” Tsy ahoako izay marika entinareo eo aminareo, tsy misy idiran’izany. Kristiana iray tanteraka ianareo amin’ny alàlan’ny Fahaterahana. Izany ihany no fomba tokana, ny fomba tokana hahafahanareo ho izany; tsy amin’ny alàlan’ny fikambanana, tsy amin’ny alàlan’ireo fanekem-pinoana, tsy manaitaitra an’ity, na manao tsianjery an’ity, na zavatra hafa iray, na amin’ny alàlan’ny fianarana, teolojia. Kristiana iray ianareo rehefa nateraka indray, ary tsy afaka ny hateraka indray ianareo raha tsy efa voafidy ho hateraka indray. “Fa tsy misy olona afaka manatona Ahy raha tsy Ny Raiko no mitarika azy, ary izay rehetra nomen’Ny Raiko Ahy no hanatona.” Amena. “Izaho no hanangana azy indray amin’ny andro farany.”

¹¹⁷ Ireo sekoly Biblika malaza izay ananantsika ireo, hilaza izy ireo, fa miankina amin’ny fahalalany manokana. Oh, oadray. Izy ireo, tsy mampaninona izay lazain’ny Teny, afaka manazava an’izany mazava tsara izy ireo, oh, amin’ny tenany manokana, manao ny tenany manokana hino an’izany, ary ireo karazany manokana dia mino an’izany, hoe, “Efa lasa ireo andron’ny fahagagana. Tsy misy an’izany karazana mpaminany izany, ireo mpaminany, ireo apostoly. Tsy misy izany karazana fanomezam-pahasoavan’ny fanasitrana izany, sy ny sisa. Efa nifarana tamin’ny andron’ny Baiboly izany.” Afaka manao ny tenany hino an’izany izy ireo.

¹¹⁸ Fantatrareo, hoy ny Baiboly hoe, “Afaka mino lainga iray ianareo ka ho voaozon’izany.” Hitanareo, izany marina tokoa no Fahamarinana. Izy ireo dia manamboatra, tsy mampaninona izay lazain’ny Tenin’Andriamanitra, miankina amin’ny fahalalany manokana izy ireo. Izy ireo, miankina amin’izany izy ireo, mino an’izany izy ireo, mihevitra izy ireo fa izany no Fahamarinana. Afaka manohy mino lainga iray ianareo, hatrany sy hatrany ary hatrany, mandra-pahatongan’izany ho ny Fahamarinana aminareo. Marina izany.

¹¹⁹ Saingy ahoana no ahafantarantsika na izany no Fahamarinana na tsia? Andriamanitra no manaporofa fa izany no Fahamarinana, satria ao amin’Ny Teniny izany ary Izy no manamarina Azy. Izy no manao ny Fandikany Manokana an’Izany.

¹²⁰ Ahoana no ataon’izy ireo, hahatongavana eo amin’io? Ataon’izy ireo amin’ny alàlan’ny kolontsainy izany, ny fianarany, avy amin’ny fahalalan’izy ireo an’ny—ny diplaoman’ny diplaoman’ny dokotera, sy ny sisa, hoe avy amin’ny seminera iray manokana izy ireo ary nianatra an’ireo zavatra ireo.

¹²¹ Fa jereo, ry sakaiza, henoy. Tsy misy na aiza na aiza ao amin’ny Baiboly izay nangatahana antsika hahazo. Tsy nangatahana hahazo an’Izany isika. Nangatahana hino an’Izany isika. Mino an’Izany amin’ny alàlan’ny inona? Amin’ny alàlan’ny

finoana. Raha mahazo an'Izany ianareo, amin'izay fotoana izay dia izany no manao ny finoana ho foana. Tsy afaka mahazo an'Izany ianareo, nefo mino an'Izany ianareo na ahoana na ahoana. Raha afaka nahazo an'Andriamanitra aho, dia tsy ho nino an'Andriamanitra. Tsy mahazo an'Andriamanitra aho. Tsy misy olona mahazo an'Andriamanitra. Tsy afaka mahazo ny Tenin'Andriamanitra aho, fa manaiky an'Izany aho. Mino an'Izany aho. Tsy nangatahana hahazo an'Izany aho.

¹²² Izaho tsy, tsy nandeha tany amin'ny seminera sy io fahalalana lehibe an'ny fahaizan'olona eo amin'Izany io. Fantatro fotsiny fa ny Baiboly no milaza an'Izany hoe, "Jesosy Kristy no tsy miova omaly, anio, ary mandrakizay," ary miandry Azy ao amin'izany ambaratonga iray izany ihany aho. Fantattro fa Izy no nampanantena an'izay Hataony ao amin'ity andro ity, miandry Azy hanao an'izany aho ary Ataony izany. Marina izany. Nampanantena fahasoavana Izy, niandry an'izany aho ary nandray an'izany. Nampanantena fanasitranana Izy, mino an'izany aho sy nanaiky an'izany, ary nandray an'izany.

¹²³ Ankehitriny dia tsy te-haka betsaka amin'ny fotoanareo aho, fa te-hanontany zavatra iray aminareo aho raha hiaritra iray minitra miaraka amiko ianareo, mba handinika ny sasany amin'ireo izay tsy niankina tamin'ny fahalalany manokana; ireo olona sasany avy ao amin'ny Baiboly, ho an'ireo vitsivitsy fotsiny, izay tsy niankina tamin'ny fahalalany manokana, tsy nampaninonina izay fahalalana an'ny taonan'izy ireo.

¹²⁴ Ndao isika haka, ohatra, an'i Noa. Niaina tao amin'ny andro iray an'ny fikarohana siantifika malaza i Noa. Tamin'ny andron'i Noa, nanorina an'ireo pyramida angamba izy ireo, izay tsy azon'izy ireo vokarina indray. Tsy manana na inona na inona hanaovana an'izany isika ankehitriny, tsy misy na inona na inona hampiakarana an'ireo vatobe any. Tsy mahavita izy ireo, amin'izao andro izao. Tamin'ireo andro ireo, dia nanana karazana akora simika iray izy ireo izay azony napetraka tao anatin'ny loko iray ka manao an'ireo akanjo hitovy amin'ny ara-boajanahary hatramin'ny androany. Nanana ranon-javatra fanosorana izy ireo izay afaka manao momie iray; isika tsy afaka manao anankiray, amin'izao andro izao, raha tsy maintsy hanao isika. Isika dia manana... zava-kanto maro izay verintsika. Ny andro izay niainany, tao amin'ny taona siantifika manantsaina iray.

¹²⁵ Nanondro an'izany Jesosy, hoe io karazan-taona iray io ihany no hiverina indray alohan'ny Iverenany, "Fa tahaka ny tamin'ny andron'i Noa." Ankehitriny ianareo dia hino, an'izany, sa tsy izany? [Hoy ny fiangonana hoe, "Amena."—Mpand.] Mino ve ianareo fa nilaza an'izany Jesosy? ["Amena."] Mino ve ianareo fa miverina amin'izany taona izany isika? ["Amena."] Ankehitriny dia ao amin'ny Bokin'i Lioka izany, ny toko faha-17 ary ny andininy faha-29.

¹²⁶ Ankehitriny ao amin'ny Lioka 17:30, hoy Izy hoe, "Ary tahaka ny tamin'ny andron'i Lota, rehefa ilay Anjelin'ny Tompo..."

¹²⁷ Ankehitriny, namaky ny Baiboly iray ihany izay vakantsika Izy. Ary rehefa Izy...Miverena any aoriana dia jereo hoe karazana andro inona izany talohan'ny ranonoran'i Noa. Miverena any aoriana dia jereo hoe karazana andro inona izany talohan'ny nandravana an'izao tontolo izao tamin'ny andron'i Lota. Jereo hoe inona izany, dia ho hitanareo izay noresahan'i Jesosy.

¹²⁸ "Tamin'ny andron'i Noa, dia nihinana izy ireo, nisotro, nanambady, ary namoaka hanambady; tsy nahafantatra an'izany mandra-piditr'i Noa tao anatin'ny sambofiara, ary tonga ny tondra-drano, nifaoka azy rehetra."

¹²⁹ Tamin'ny andron'i Lota, nialoha mihitsy an'izao tontolo izao ho...ny afo nandoro an'izao tontolo izao Jentilisa, ireo Sodomita, nisy an'ireo lahy manambady lahy, fahasimbàna, ny zavatra rehetra teto amin'izao tontolo izao. Malaza iray... Izany no Los Angeles moderina iray; tsy Los Angeles moderina iray fotsiny, fa Etazonia iray; tsy ao Etazonia ihany, fa izao tontolo izao iray. Azo antoka fa fahasimbàna izany! Verin'ny olona ny loharanom-piainany ara-boajanahary sy ny fahalalany ara-boajanahary an'ny fahatsaran-tsaina, lasa simba nohon'ny fanahy ratsy iray izay nanova ny fizotran'ny fiainan'izy ireo ara-boajanahary manontolo, ary azon'ny fanahin-demony izy ireo. Raha tsy izany no sarin'ny andron'i Noa, dia tsy fantatro ilay izy, sy tamin'ny andron'i Lota, no tiako ho lazaina. Tamin'ny andron'i Noa, ihany koa, nihinana, nisotro, nanambady, namoaka hanambady, feno ireo fitsarana fisaraham-panambadiana, sy ny sisa, tahaka an'izany mihitsy ilay izy.

¹³⁰ Fa, tsarovy, talohan'ny nandravana an'izao tontolo izao, dia nirahina teto amin'ny tavan'ny tany i Abrahama ary nomena teny fikasana an'ny zanaka iray. Ary nihaona tamin'Andriamanitra tao amin'ny dingana maro i Abrahama, ho tandindona iray an'ny fiangonana izay nihaona tamin'Andriamanitra. Fa talohan'ny fandravana mihitsy sy ny fiverenan'ilay zanaka nampanantenaina, na tonga, raha ny marina, efa nampanantenaina ilay zanaka, tonga, dia nidina Andriamanitra ka voaseho tao amin'nynofon'olombelona, tao amin'ny lehilahy iray, lehilahy telo. Ary nandeha nankany amin'i Lota izy ireo; tonga teo amin'i Abrahama aloha, ary nipetraka izy ireo. Ary nanana ny anarany niova i Abrahama avy tamin'ny Abrama lasa Abrahama; Saray lasa Saraha.

¹³¹ Ary ity Lehilahy ity, ilay Mpiteny, Elohim, rehefa nidina niresaka taminy Izy, dia inona no Nolazainy? Hoy Izy hoe, "Aiza ny vadinao, Saraha?"

Hoy izy, "Ao anaty tranolay izy, Aorianao."

¹³² Hoy Izy, "Hamangy anao Aho araka ny andron'aina." Ary nihomehy tao anatin'ny tranolay izy, Taoriany. Dia hoy Izy hoe, "Nahoana no nihomehy i Saraha?" Hitanareo? Ankehitriny tokony hanaisotra ny ain'i Saraha teo no ho eo Izy, nohon'ny fihomehezana Ny Teniny; saingy tsy afaka nanao an'izany Izy, satria ampahan'i Abrahama i Saraha.

¹³³ Ary amin'izao andro izao, dia hoy Jesosy ao amin'ny Lioka ny toko faha-17 ary ny andinin faha-30 hoe, "Tahaka ny tamin'ny andron'i Lota, dia ho toy izany koa amin'ny andro farany rehefa ny Zanak'olona . . ."

¹³⁴ Tsarovy ankehitriny, "Zanak'olona" dia *mpaminany* iray. Jehovah dia niantso an'i Ezekiela ho "zanak'olona." Tonga tamin'ny anarana telo Jesosy: Zanak'olona, Zanak'i Davida, Zanak'Andriamanitra. Izy no niantso ny Tenany ho "Zanak'olona" mba hahazoan'ny olona, satria Izy no ilay Mpaminany izay natsangan'ny Tompo Andriamanitra.

¹³⁵ Mariho ankehitriny, avy eo dia nampanantena inona Izy? Haneho ny Tenany indray ny Zanak'olona alohan'io fotoana io mihitsy, alohan'ilay afo. Ary izany no famantarana farany izay hitan'i Abrahama talohan'ny nahatongavan'ilay zanaka nampanantenaina; ary niverina ho lehilahy tanora iray izy, ary izy ho vehivavy tanora iray. Talohan'ny . . . Mariho ankehitriny, milaza an'izany manokana mihitsy ny Soratra, ankehitriny dia tsy maintsy miandry an'izany isika.

¹³⁶ Ary amin'izay fotoana izay raha mahita an'izao tontolo izao ao anatin'ny fahasimbàna isika sy ireo zavatra ao anatin'ny amin'izao andro izao, manohy amin'ny fomba izay maha-izy azy, amin'izay fotoana izay dia ahoana no ahafahantsika milaza fa marina io nefá tsy milaza fa marina ity hafa ity? Satria, olona iray, miankina amin'ny fahalalany ianareo, fa tsy ny fahalalan'ilay Andrian'ny Fiainana Izay io Olona izay teo amin'ny vavahady niaraka tamin'izy ireo tany Sodoma io. Ankehitriny, mahamarika isika, aza miankina amin'ny fahalalantsika manokana isika.

¹³⁷ Tsy niankina tamin'ny fahalalany i Noa. Taona siantifika iray malaza izany, saingy tsy niankina tamin'ny fahalalany tamin'ny androny izy. Fa niankina tamin'ny teny fikasan'Andriamanitra izy, ary nohetsehan'ny herin'Andriamanitra, ka nanamboatra sambofiara iray mba hamonjena ny ankohonany. Nefá, tena nifanohitra tanteraka tamin'ny fahatsaran-tsaina izany; tsy nisy rano teny ambony teny, tsy mbola nisy mihitsy. Fa fantany, raha Andriamanitra no nilaza fa hisy eny, dia hisy eny. Noho izany dia tsy niankina tamin'ny fahalalany manokana izy, fa tamin'ny finoana no nihetsehany tamin'ny alàlan'ny teny fikasan'ny

Tenin'Andriamanitra. Ny Fanahy no nanetsika azy, ary nataony izany.

¹³⁸ Abrahama, tsy niankina tamin'ny fahalalany mikasika ny fiainan'olombelona izy. Nanambady ny vadiny izy teo amin'ny fito ambin'ny folo taona. Indro izy, dimy amby fitopolo taona, ary izy dia dimy amby enimpolo taona, folo taona tanora kokoa. Fa tsy niankina tamin'ny fahalalany Abrahama, rehefa nilaza Andriamanitra hoe hanome zanakalahy iray ho azy amin'ny alàlan'i Saraha Izy. Fa niantso ny zavatra rehetra izy, ny porofo siantifika rehetra izay nifanohitra tamin'ny Tenin'Andriamanitra, ny fianarana rehetra ankoatran'ny Tenin'Andriamanitra, ho toy ny tsy nisy akory aza. Ary nanolotra ny dera ho an'Andriamanitra izy, natanjaka, nanolotra Azy ny dera. Tsy nihevitra akory ny fijerena ny vatany manokana aza izy na ny fahafatesan'ny vatan'i Saraha, na-na ny vatany. Tsy nihevitra na inona na inona izy, fa niankina tamin'ny teny fikasan'Andriamanitra. Tsy niankina tamin'ny fahalalany manokana izy. Tsy niankina tamin'ny fandanjalanjana izy.

¹³⁹ “Nahoana,” hoy ianareo, “Rahalahy Branham, izany no antony tsy hanasitranan'Andriamanitra ny marary, manana dokotera tena tsara betsaka isika.”

¹⁴⁰ Hoy ny Baiboly hoe, “Ariantsika ny fandanjalanjana.” Tsy mandanjalanja isika. Tsy mandanjalanja ny finoana. Ny finoana dia mino ary manaiky. Mariho.

¹⁴¹ Fa nino izy raha tokony ho tsy nino; ary niantso an'ireo zavatra, izay tsy nisy, ho toy ny nisy izy ireo, izay tena nanohitra tanteraka ny fandanjalanjana rehetra. Fa tsy nandanjalanja izy. Nino fotsiny an'izany izy. Tsy misy fandanjalanjana afaka nanapororo fa afaka hateraka io zazakely io. Efa nandao ny fitsaha-jaza teo amin'ny roapolو taona teo io vehivavy io, ary tena efa maty tsara mihitsy ny vatany. Ary rehefa zato taona izy, dimy amby roapolو taona taty aoriania, dia mbola nanome ny dera ho an'Andriamanitra foana izy, nanohitra ny karazam-pahalalana rehetra. Fa tamin'ny finoana, dia fantany fa hihazona Ny Teniny Andriamanitra. Tsy niankina tamin'ny fahalalany manokana izy.

¹⁴² Ahoana moa raha niankina tamin'ny fahalalany manokana i Mosesy, rehefa niteny taminy Andriamanitra fa izy no—no haka an'i Farao...na ny zanak'Isiraely avy eo an-tanànan'i Farao? Ahoana moa raha niankina tamin'ny fahalalany manokana izy, rehefa teo akaikin'ilay Andry Afo izy, rehefa hoy Andriamanitra hoe, “Mandehàna midina fa homba anao Aho”? Ahoana moa raha niankina tamin'ny fahalalany izy rehefa nitondra azy ireo teo amin'ny Ranomasina Mena izy, ary teo amin'ilay rano izy ireo, nefà indro Andriamanitra nampanantena azy ireo an'ilay tany nampanantenaina? Ahoana moa raha niankina tamin'ny fahalalany manokana izy hoe, “Ahoana no handehanako

hiampita eo? Tsy manam-potoana hanamboarana tetezana iray izahay. Indro fa tonga aorianay ilay tafika. Indro ireo tendrombohitra eo amin'ny lafiny rehetra. Indro ny rano eo anoloanay, ilay Ranomasina Mena”?

¹⁴³ Ankehitriny, raha niankina tamin’ny fahalalany manokana izy, dia ho nanangana ny tànany ary nihazakazaka, nianjera teo an-tongotri Farao, nanao hoe, “Farao, mamele ahy, nanao ratsy aho.”

¹⁴⁴ Saingy tsy niankina tamin’ny fahalalany manokana izy. Fa nivavaka izy, ary niteny taminy Andriamanitra mba handroso, dia nisokatra ilay ranomasina, izay manohitra ny fandanjalanjana rehetra. Fa tsy niankina tamin’ny fahalalany manokana izy.

¹⁴⁵ Ahoana moa raha i Josoa, rehefa nandeha tany izy niaraka tamin’ireo anaram-piagonana folo hafa, ka nandeha teo ary nahita an’io tany nampanantenain’Andriamanitra io, dia niverina niaraka tamin’izy ireo ary nanao hoe, “Ankehitriny andraso iray minitra. Marina ilay izy. Tahaka ny tsingetana isika. Olom-be izy ireo. Ahoana no mba ahafahantsika haka azy ireo? Isika aza tsy manana sabatra akory; fa izay nalaintsika fotsiny. Ahoana no mba ahafahantsika miditra ka haka an’io tany io? Nahoana, tena tsy azo atao tanteraka izany. Maro an’isa noho isika izy ireo, lehilahy dimampolo ho an’ny anankiray. Miaramila niofana izy ireo, nefo isika tsy misy afa-tsy andiana mpiandry ondry sy mpiphosom-potaka avy tany Egypta fotsiny. Ahoana? Isika aza tsy manana ampinga sy ny sisa akory, ahoana no mba hakantsika an’izany?”

¹⁴⁶ Nahoana, azo antoka fa ny fahalalana dia nanaporofa tsy afaka hanao an’izany izy ireo. Ny lehilahy miaramila rehetra tahaka azy, na Mosesy, dia tsy afaka hiankina amin’ny fahalalany manokana. Fa ny fahalalan’izy ireo, tsy niankina tamin’izany izy ireo. Saingy fantatr’izy ireo fa Andriamanitra no nilaza hoe, “Efa Nomeko anareo io tany io. Mandehana alaivo izy!”

¹⁴⁷ Aza miankina amin’ny fahalalanareo manokana. Raha miankina amin’ny fahalalanareo manokana ianareo androany rehefa marary ianareo, angamba mipetraka eo amin’ny sezamisy kodiarana iray, eo am-pahafatesana miaraka amin’ny homamiadana, aretim-po, ka milaza ny dokotera fa ho faty ianareo, raha miankina amin’izany fahalalana izany ianareo, dia ho faty. Fa aza miankina amin’izany fahalalana izany. Tsia tokoa.

¹⁴⁸ Ahoana ny amin’ireo rindrin’i Jeriko, izay nolazain’izy ireo fa afaka manao hazakazan-kalesy iray eo amin’ny tampon’izy ireny izy ireo, ireo rindrina goavana be? Hoy Andriamanitra hoe, “Mandehana any ary mandehana an-tongotra manodidina an’izany imbetsaka, ary ampanenoy ny trompetra ka aoka

ianareo rehetra hikiakiaka, dia hirodana ilay rindrina.” Eny, tena ho fahadalana tanteraka tokoa izany ho an’ny fisainana ara-nofo. Saingy i Josoa, dia nahafantatra hoe matevina toy ny ahoana ireo rindrina ireo, satria efa nanorina rindrina betsaka izy tany Egypta. Fantany ireo simenitra izay tao anatin’izy ireo, mafy toy ny ahoana izy ireo, mba hanaovana an’ireo hazakazankalesy ireo eo an-tampony, ary ireo trano aza dia niorina eo an-tampon’izany. Saingy tsy niankina tamin’ny fahalalany manokana izy. Nino izy fa izay nolazain’Andriamanitra no fahamarinana, ary nankatò Ny Teniny izy, ka nianjera ireo rindrina. Tsy niankina tamin’ny fahalalany manokana.

¹⁴⁹ Ahoana moa raha niady an’ilay ady izy, ka, araka ny notoriako tamin’ny Alahady, ary teo am-pilentehana ny masoandro tamin’izay fotoana izay, nitsoaka ny fahavalao. Tamin’io hariva io dia ho niara-niangona izy ireo ary ho tonga miaraka amin’ny hery hafa iray, hamono betsaka amin’ireo lehilahiny. Ankehitriny dia ahoana moa raha nilaza izy hoe, “Mila andro mazava iray aho. Tsy maintsy manana hazavan’ny masoandro ambonivory iray aho. Eny, ankehitriny andraso iray minitra. Andriamanitra no nametraka an’ity lamina ity, ary mihodina ny masoandro noho izany dia mihodina ny tany. Ankehitriny ndao isika hijery, raha hilaza amin’ny masoandro aho mba hijanona... Angamba raha hijanona ny tany ankehitriny, amin’izay fotoana izay dia hahavery ny heriny misintonia izy, hianjera aho”?

¹⁵⁰ Tsy nihaino ny fahalalany izy. Ny zavatra tokana nolazainy, dia, “Ry masoandro, mipetraha tsara; ary, ry volana, mijanònà eo amin’izay misy anao,” dia nankatò azy izy. Tsy niankina tamin’ny fahalalany manokana izy. Fa niankina tamin’ny teny fikasan’Andriamanitra izy hoe, “Efa Nomeko anareo io tany io; mandehana alaivo izy.”

¹⁵¹ Efa nanome anareo ny teny fikasan’ny Fanahy Masina Izy. Afaka mahazo an’Izany ianareo ao amin’ity favoriana ity. Afaka mahazo an’Izany ianareo ankehitriny.

¹⁵² Aza miankina amin’ny hoe, “Fantatrao, reraka aho. Lazaiko anao, nihinana sakafotra be loatra aho. Izaho—izaho—halako i John hahita ahy manao an’ity.” Oh, mamindrà fo! Miankina amin’ny fahalalanareo manokana ianareo.

¹⁵³ “Ny teny fikasana dia ho anareo, sy ny zanaky ny zanakareo, ho an’ireo izay lavitra, arak’izay hantsoin’ny Tompo Andriamanintsika.”

¹⁵⁴ “Nilaza ny dokotera fa ho faty aho. Nizaha ahy izy, ary nilaza fa nanana an’io homamiadana io aho, nanana an’ity aho, na inona na inona ilay izy. Tsy maintsy ho faty aho.” Aza miankina amin’izany fahalalana izany. Andriamanitra no Tompo Andriamanitrao Izay manasitrana ny aretinao rehetra. Noho

izany dia aza miankina amin'izany fahalalana izany, tsy amin'ny fahalalan'olona. Miankina amin'ny fahalalan'Andriamanitra.

¹⁵⁵ Ahoana ny amin'i Samsona, teny amin'ilay saha, rehefa ireo Filistina, lehilahy arivo no nihazakazaka teo aminy? Ary nitsangana teo izy, bitika kely iray, volo volontany miolakolana, saiky *izao* ny haavony. Izy tsy; eny, tsy lehilahy mpitana sabatra izy, satria tsy mahay izy; tsy nanana fiofanana izy, fiofanana ara-miaramila. Sarimbavy antitra kely iray miolakolam-bolo fotsiny izy, tahaka an'izany, miaraka amin'ireo randrana fito mihantona midina, zanakalahin'i mama, nitsangana teo, ary indro tonga ireo Filistina arivo. Eny, tsy nanana na inona na inona izy teny an-tànanany. Niondrika izy, ary nahita valanorano tranaindy iray, fotsy tanteraka, fotsy an'ny ramole iray, ary nalainy izany.

¹⁵⁶ Ankehitriny hoy izy, “Ndao isika hijery, ankehitriny, tsy hahavita betsaka amin’ity aho, satria ireo fiarovan-dohan’izy ireo eo amin’ny lohany dia... Ireo Filistina ireo, ireo miaramila rehetra ireo, dia nanana lefona izy rehetra. Nanana fiarovan-tratra izy rehetra. Ary ny fiarovan-dohan’izy ireo dia milanja eo amin’ny dimy ambin’ny folo livatra ny iray, lehilahy goavana be, izy rehetra. Eny, raha mba hamely amin’ity valanoranondramole tranaindy marefo ity aho, eo amin’ny iray amin’ireo fiarovan-doha ireo, nahoana, ho vaky ho potipotika izy. Izay ilay izy”?

¹⁵⁷ Tsy niankina tamin’ny fahalalany izy. Nentiny fotsiny izay teny an-tànanany, dia nanomboka nikapoka an’ireo Filistina. Ary rehefa avy nikapoka ny arivo tamin’izy ireo izy, dia mbola nanana an’ilay valanorano teny an-tànanany foana. Amena.

¹⁵⁸ Tsy ahoako izay lazain’ny teolojian’olona, aza miankina amin’izany. Miankina amin’ny Tenin’Andriamanitra hoe, “Jesosy Kristy no tsy miova omaly, anio, ary mandrakizay.” Izany tokoa, nino an’izany izy.

¹⁵⁹ Ahoana moa i Davida raha ho nihaino an’i Sams-... ny teolojian’i Saoly? Nitsangana teo i Goliata niaraka tamin’ny fireharehany goavana, ka natahotra ny olona rehetra; Saoly, ny loha sy ny soroka nihoaatra ny an’ilay tafika rehetra. Hoy i Goliata hoe, “Aoka hisy olona iray hivoaka ka hiady amiko. Tsy ilaina ny—ny ahafatesanay rehetra. Raha matiko ianareo, amin’izay fotoana izay dia manompo anay ianareo rehetra. Fa raha matinareo aho, nahoana, hanompo anareo izahay,” satria nanana an’ilay maranitra izy teny aminy. Tahaka an’izany no tian’ny devoly hatao, rehefa manana ny seminerany manontolo izy, sy izy rehetra ireo, rehefa tonga izy, hitanareo.

¹⁶⁰ Nandeha teo Davida antitra kely, silaka hoditr’ondry iray no teny aminy; mena hoditra, milatsa-tsoroka, zalahy bitika kely zato livatra, folo amby zato. Hoy izy hoe, “Ny tianareo ho lazaina amiko ve dia hoe ny tafik’Andriamanitra velona, izay voafora

ho amin'ny fanekena iray, dia hitsangana eo ka hamela an'io Filistina tsy mifora io hihaika ny tafik'Andriamanitra velona?"

¹⁶¹ Hoy i Saoly hoe, "Avia eto, ry zazalahy." Hoy izy hoe, "Mankasitraka ny herim-ponao aho, saingy efa lasa ireo andron'ny fahagagana. Tsy manana zavatra tahaka an'izany isika, hitanao. Ary mamele ahy hiteny zavatra iray aminao, kara-piombonana inona no azonao aseho, hitanao? Ianao aza tsy manana fitafiam-piadiana akory. Tsy manana afa-tsy antsamotady iray ianao eny an-tànananao. Hitanao? Ianao dia tsy manana Ph.D. na LL.D. Ahoana no hanaovanao an'io? Nahoana, mpiady iray io lehilahy io. Nahoana, izy dia—izy dia manana D.D. iray, L roa, Ph.D., LL.Q. Nahoana, manana diplaoma betsaka tokoa izy, afaka mandravaka rindrina iray amin'izy ireny. Fa izy ianao? Mpiandry ondry iray."

¹⁶² Hoy izy hoe, "Fa te-hiteny zavatra iray aminao aho." Hoy izy hoe, "Mba fantatralo moa?" Hoy izy, "Niandry ny ondrin'ny raiko aho tany, ary," hoy izy, "tonga ny liona iray ka nandramby ny iray tamin'izy ireo, ary nandositra. Fa fantatralo, nalaiko ity antsamotady kely ity ary nenjehiko izy, ka nalavoko. Nalaiko ilay—ilay zanak'ondry avy teo amin'ny vavany, dia nitsangana izy hanohitra ahy rehefa nanao aho. Nalaiko fotsiny ny antsy dia novonoiko izy." Hoy izy, "Niverina aho. Ary indro tonga ny bera iray, nanenjika an'io ondry io, ary nandramby azy dia nandositra. Izaho dia namono azy, ihany koa." Hoy izy hoe, "Ankehitriny ilay Andriamanitra... Tsy ny Ph.D.-ko, tsy ny fahalalako manokana. Tsy afaka miteny aminareo aho hoe ahoana no anaovako azy. Tsy fantattro hoe ahoana no nahavita an'ilay izy. Saingy ilay Andriamanitra," amena, "ilay Andriamanitra izay nanafaka ahy tamin'ny tongotry ny bera sy ny liona, tsy mihoatra noho izany ve no Hanafahany ahy amin'ny tânán'io Filistina tsy mifora io!"

¹⁶³ Eveka iray, Saoly, no nilaza hoe, "Fantatralo, mino aho fa manana antso iray ianao, ry zazalahy. Hiteny aminao aho, raha ho tonga eto ianao, hampianatra anao aho hoe ahoana no fiadin'olon-droa, hitanao. Ary hiteny aminao aho, izaho dia—dokotera aho, noho izany dia anaovy ny fitafiam-piadiako. Tehampiakanjo anao aho." Nitsangana teo i Davida, ary nomen'izy ireo Ph.D. iray izy, LL.D. iray, sy io rehetra io, fa—fa tsy afaka nihetsika akory aza ilay zazalahy kely mampalahelo. Tsy hainy hoe ahoana.

¹⁶⁴ Hoy izy hoe, "Tsy mbola nanandrana an'ity mihitsy aho. Tsy antonona ahy ity palitaon'ny mpitondra fivavahana ity. Esory ity zavatra ity. Avelao aho handeha miaraka amin'izay nanampian'Andriamanitra ahy." Izany no finoana ny herin'Andriamanitra. Ary izy—tsy niankina tamin'ny fahalalany manokana izy. Tsy niankina tamin'izay nolazain'olon-kafa izy. Niankina tamin'ny finoana izy. Satria, fantany fa raha namonjy

azy tamin'ny tongotry ny bera Andriamanitra, tsy mihoatra noho izany ve no Hamonjeny azy amin'io Filistina io!

¹⁶⁵ Eny, raha efa tia anareo betsaka tokoa Andriamanitra mba hisintonanareo nivoaka avy tao amin'ny fahotana sy hameno anareo ny Fanahy Masina, dia inona no olana aminareo olona malemy tsy misy taolan-damosina mahantara manerana ny firenena ireo, tsy mihoatra noho izany ve no Hanafahany anareo amin'ny fahorianareo rehefa Izy no nampanantena fa Hataony izany? Ny Tenin'Andriamanitra no niteny an'izany. Hataony izany. Azo antoka, nanafaka azy teo amin'ny tànany Izy.

¹⁶⁶ Oh, ny tsirairay avy tamin'ireo mpaminany, ahoana moa raha ho niankina tamin'ny fahalalany manokana izy ireo tao amin'ny taonany? Tsy ho nanatona an'ireo mpisorona sy mpisoronabe ireo mihitsy izy ireo, ka niantso azy ireo hoe "rindrinanofotsiana" sy ny zavatra hafa rehetra. Tsy ho naminany hanohitra azy ireo mihitsy izy ireo. Ho nitovy tamin'ny sasany amin'ireo mpaminany moderina izy ireo, ho nifanaraka, nitondra akanjo tsara, ary ho efa tao amin'ny japan'ny mpanjaka.

¹⁶⁷ Ahoana moa raha ho niezaka niankina tamin'ny fahalalany manokana i Jaona? Fa nandeha avy hatrany izy.

¹⁶⁸ Hoy izy ireo hoe, "Ankehitriny, andraso iray minitra, ry Jaona, aza mitory eo amin'ny *Fanambadiana Sy Fisarahampanambadiana* ianao."

¹⁶⁹ Nandeha avy hatrany nankeo amin'ny toeran'i Heroda izy, ka hoy izy hoe, "Tsy ara-dalàna ny nakanao azy." Eny, tompoko.

Hoy izy ireo, "Eny, fantatralo ve hoe iza io? Io no famp-..."

"Tsy ahoako na iza izy." Tsy niankina izy.

¹⁷⁰ Hoy izy ireo, "Ankehitriny fantatralo fa tsy manana betsaka ianao. Any amin'io an-efitra eto io ianao. Tsy handray anao ilay fikambanana, raha handeha hihetsika tahaka an'izany ianao." Tsy nahoany ny mikasika ny fikambanana rehetra. Tsy niankina tamin'ny fahalalany manokana izy, fa tamin'ny fahalalan'Andriamanitra. Azo antoka.

¹⁷¹ Nisy lehilahy iray izay niankina tamin'ny fahalalany manokana, ary ny anarany dia Jodasy Iskariota. Oh, izy... Izaho—tsy hitako hoe ahoana no nahafahany nahavita an'ilay izy. Nandeha nifanatrika tamin'i Kristy izy, tahaka ny nataon'i Eva mihitsy tany amin'ny voalohany. Efa nahita ny fanamarinana izy, efa njery an'Andriamanitra nanatrika, tahaka ny nataon'i Eva tao amin'ilay hatsiatsiakan'ny hariva. Nijery an'i Kristy i Eva, tao amin'ilay hatsiatsiakan'ny hariva, tao amin'ny saha. Ary Jodasy dia nipetraka tao amin'ilay hatsiatsiakan'ny hariva, tao amin'ny sahan'i Getsemane sy ireo toerana maro, ka njery an'ilay Kristy iray ihany; efa nandre Azy nampianatra, nanaporofo ny Tenany tamin'ny alàlan'ny

Teny, nanamarina ho ilay Mpaminany izay noresahan'i Mosesy fa hitsangana. Ary niteny tamin'izy ireo tao amin'ny Soratra hoe Iza Izzy, sy ny rehetra mikasika an'izany. Efa nahita an'izany voaporofon'Andriamanitra izy ireo, hoe Izzy izany, nefà avy eo dia niankina tamin'ny fahalalany manokana izy.

¹⁷² Ah! Afaka nanao an'izany ve izy? Izany dia satria tsy nanana an'ilay izy mihitsy izy tato ambany tato, hatrany amin'ny voalohany. Tsy voa lonaka iray izy. Izzy dia zanaky ny fahaverezana, nateraky ny fahaverezana, niverina nankany amin'ny fahaverezana. Mahamarika isika ankehitriny. Fa lasa izy, ary angamba mety nanana hevitra iray avy tamin'ny fahalalany izy. Mety nieritreritra izy fa Jesosy... Nanana fanajana betsaka Azy izy hoe, "Ankehitriny, fantatrareo, mety hivarotra Azy amin'ny volafotsy telopolo aho. Ary raha mivarotra aho, dia hahazo vola vitsivitsy, ary afaka manao zavatra iray amin'izany aho. Fa afaka manafaka ny Tenany Izzy." Hitanareo, tsy fantany, tao amin'ny Soratra, fa izy dia natsangana mba haka an'io toerana iray io ihany.

¹⁷³ Ary na ireo olona amin'izao andro izao koa aza dia tsy mahalala hoe ao amin'ny toerana inona no misy azy ireo. Efa voatendry ho an'io fiangonana Laodikia io ny ho ao amin'io toerana io, mametraka an'i Kristy any ivelany. Ary mandondòna Izzy, miezaka ny hiverina hiditra. [Mandondòna eo amin'ny polipitra Rahalahy Branham—Mpand.] Tsy misy fiaraha-miasa na aiza na aiza, na izany aza. Manamarina Ny Teniny amin'ilay andro ankehitriny, tahaka ny Nataony tao amin'ny andro rehetra, nefà miala lavitra an'izany mihitsy izy ireo. Miankina amin'ny fahalalany manokana, izay—izay ihany no misy amin'ilay izy.

¹⁷⁴ Na, angamba, ndao isika hilaza an'ity izay—izay noeritreretiny. Angamba raha nivarotra an'i Kristy tamin'ny volafotsy telopolo izy, nahoana, dia ho nanana fi—fiombonana iray tamin'ny sasany tamin'ireo anaram-piangonana malaza an'io andro io, ireo Fariseo sy Sadoseo. Ho nilaza izy hoe, "Andraso ankehitriny, afaka mikarakara ny Tenany Izzy. Efa nahita Azy tao amin'ireo ady lehibe aho; izaho—fantatro fa—fa afaka mikarakara ny Tenany Izzy. Noho izany dia mety hahazo vola vitsivitsy aho, karazan'ny—ny fisotroan-dronono kely, araka ny naha-izy azy. Ary avy eo, indray, dia mety banana laza lehibe aho miaraka amin'ireo fiangonana amin'izao andro izao, raha hamadika Azy amin'izy ireo aho." Hitanareo? Saingy niankina tamin'ny fahalalany manokana izy, raha tokony ny fahalalana fa izany no Tenin'Andriamanitra voamarina, ka izy no nanao tamin'i Jesosy an'izay nolazain'ny Soratra fa hataony.

¹⁷⁵ Ary, amin'izao andro izao, dia nandroaka an'i Kristy ny fiangonan'izao tontolo izao ao amin'izao andro farany izao, tahaka ny nolazain'ny Bokin'ny Apokalypsy marina tokoa fa hanao an'izany izy ireo. Ilay fanahin'i Jodasy indray izany,

ao amin'ny endrika fiangonana hoe, “Manana ny endriky ny toe-panahy araka an'Andriamanitra, nefà mandà ny Teny.” Hitanareo? Marina izany. Ankehitriny, oh, oadray, inona no vokatr’izany? Fahafatesana, tahaka ny nataony tamin’i Eva mihitsy. Ary izany no ataony amin’ireo hafa rehetra izay manandrana mamadika ny Tenin’Andriamanitra ka miankina amin’ny fahalalany manokana. Na dia ankehitriny aza dia mivarotra izy ireo, tsy amin’ny volafotsy telopolo, fa angamba lasa, oh, mpitondra malaza iray, fahatsapan’ny seminera iray. Tsy vidin’ny volafotsy telopolo akory aza, saingy amidin’izy ireo izany na ahoana na ahoana; mivarotra ny fahalalany avy amin’Andriamanitra, tanteraka, amin’ny zavatra iray tahaka an’izany.

¹⁷⁶ Samihafa toy ny ahoana amin’ilay Masindahy Paoly malaza nianatra, izay nanana ny fahalalana rehetra izay azony nodokafana. Saingy hoy izy hoe, “Nolaviko ilay zavatra manontolo, an’ny fandanjalanjako, rehetra. Nifanena tamin’ny Andry Afo iray aho indray andro, teny amin’ny lâlany nankany Damaskosy.” Dia hoy izy hoe, “Tsy tonga taminareo tamin’ny fahaiza-miteny aho, satria, raha nanao aho, dia ho nitoky tamin’ny fahendren’olona ianareo. Fa tonga taminareo tamin’ny hery sy ny fanehoan’ny Fanahy Masina aho, mba ianareo—hiankinanareo amin’ny Tenin’Andriamanitra.” Amena. Hoy izy, “Raha tonga ny Anjely iray avy any An-danitra, ka mitory zavatra hafa iray, dia aoka izy ho voaozona,” Galatiana 1:8. Marina izany. Tsia, tompoko. Tsy nanao mihitsy izy.

¹⁷⁷ Ilay vehivavy kely teo amin’ny fantsakana, ratsy fitondranta tena izy. Saingy fantany fa efa nandroaka azy ireo fiangonana. Ary, saingy tsy niankina tamin’ny fahalalany manokana izy. Rehefa nifanena tamin’io Anankiray teo amin’ny fantsakana io izy, Izay niteny taminy ny fahotana rehetra izay nataony, dia nihazakazaka nankany an-tanàna izy. Ankehitriny tsy tsara ho an’ny vehivavy iray ny manao an’izany, ny mandeha ka milaza zavatra iray, satria mpivarotena iray izy. Saingy rehefa nifanena tamin’i Jesosy izy, dia tsy niankina tamin’ny fahalalan’ny olona mihitsy, tamin’izany andro izany. Tonga izy, nanao hoe, “Avia, jereo ny Lehilahy iray Izay niteny tamiko an’ireo zavatra izay nataoko. Tsy izany ve no tena Mesia?” Tsy niankina tamin’ny fahalalany mihitsy izy. Tsia.

¹⁷⁸ Ilay Maria virijiny, rehefa nifanena taminy ny Anjely Gabriela ka niteny taminy fa hahazo zazakely iray izy, nefà tsy nahalala lahy. Fioo! Tsy mbola mihitsy. Tsy niankina tamin’ny fahalalany manokana mihitsy izy, hoe ny vehivavy iray dia tsy afaka hahazo zazakely iray raha tsy manana va—vady iray. Tsy niankina tamin’izany izy. Fa hoy izy hoe, “Indro ny ankizivavin’ny Tompo, ho tanteraka amiko anie izany araka Ny Teninao.” Tsy nilaza izy hoe, “Ahoana no hanaovako

an'izany? Ary rahoviana no hanaovako an'izany? Ary ahoana no hisehoan'izany rehetra izany?"

¹⁷⁹ Hoy ilay Anjely hoe, "Ny Fanahy Masina no hanaloka anao; ary io Zavatra Masina izay haterakao io dia hantsoina hoe Zanak'Andriamanitra."

¹⁸⁰ Hoy izy hoe, "Indro ny ankizivavin'ny Tompo." Tsy naka ny fandanjalanjany izy, nilaza fa tsy mety ho vita izany. Nilaza fotsiny izy hoe, "Indro ny ankizivavin'ny Tompo." Marina izany. Mariho.

¹⁸¹ Ilay—ilay vehivavy izay nanana fitsiha-drà, niteny taminy ny dokotera, nanao hoe, "Tsy misy fanantenana intsony." Efa nandany ny fivelomany rehetra izy, tamin'ireo mpitsabo, ary tsy afaka nanampy azy ny iray tamin'izy ireo. Fa tsy niankina tamin'izany izy. Rehefa Jesosy... Nandeha namaky teo amin'ilay vahoaka betsaka izy, ka hoy izy hoe, "Mino aho fa raha afaka mikasika ny akanjon'io Lehilahy io aho, dia ho salama." Manatona eo izy.

¹⁸² "Andraso ankehitriny, hoy ilay dokotera hoe, 'Tsy mety ho salama ianao.'" Efa an-taonany sy an-taonany no efa nananany an'io fitsiha-drà io. Niha-nalemy hatrany izy, sy niharatsy. Efa nandao azy ireo dokotera. Izay ihany no fahalalana nananan'izy ireo.

¹⁸³ Fa nilaza izy, tamin'ny finoana! Tsy misy Soratra miteny aminy mba hanao an'izany. Saingy hoy izy hoe, "Raha afaka hikasika ny sisin'ny Akanjony aho, dia ho salama," ary nisisika teo izy ka nikasika Azy. Niverina izy, nipetraka.

¹⁸⁴ Nitodika nanodidina Jesosy ka nanao hoe, "Iza no nikasika Ahy?" Nijery nanodidina mandra-Pahitany azy. Niteny taminy ny amin'ny fitsiha-dràny Izy.

¹⁸⁵ Ary tsapany tamin'io fotoana io, tao amin'ny vatany manokana. Tsy afaka nanaporofa an'izany izy tamin'io fotoana io, saingy tsapany tao amin'ny vatany manokana fa nijanona ilay fitsiha-drà. Tsy nandanjalanja mihitsy izy hoe, "Raha ny dokotera no efa nandà azy, dia ahoana no ahafahan'ny zavatra hafa iray hanampy azy?" Tsy nandeha teo amin'ny fandanjalanjana mihitsy izy, fa nandeha teo amin'ny finoana.

¹⁸⁶ Ankehitriny hoy ny Baiboly hoe, "Fa Izy no Mpisoronabe, amin'izao andro izao, izay azo kasihan'ny fahatsapan'ny fahalementsika." Marina ve izany? [Hoy ny fiangonana hoe, "Amena."—Mpand.]

Aza mandeha mankany amin'ny fandanjalanjana, manao hoe, "Oh, izany dia..."

Hoy Izy hoe, "Izany Izy androany. Izy izao ankehitriny izao no Mpisoronabe izay azo kasihan'ny fahatsapan'ny fahalementsika. Ilay tsy miova omaly, anio, ary mandrakizay!"

¹⁸⁷ Inona no heverinareo fony aho mpitory teny Batista iray tany, ka nihaona tamiko tany io Anjelin'ny Tompo io ary naniraka ahy handeha hanao an'izao ataoko izao? Nahoana, hoy ny pasiterako hoe, "Lasa adala ianao. Nahoana, nahazo nofy ratsy iray ianao, ianao."

Hoy aho hoe, "Tsaratsara kokoa aminao ny manala ny karambonako izao ankehitriny izao."

¹⁸⁸ Ankehitriny, hoy izy hoe, "Ahoana no ahafahanao, tsy manana fahaizan'ny sekoly ambaratonga voalohany akory aza, history teny manerana an'izao tontolo izao? Ahoana no mba ahafahanao hivavaka ho an'ny mpanjaka sy manam-pahefana, nefà ianao—ianaо—ianaо aza tsy afaka akory mampiasa tsara ny grameranao?"

¹⁸⁹ Tsy nitoky tamin'ny gramerako aho. Tsy nitoky tamin'ny fahaizana iray izay nananako aho. Nirahina aho. Haleloia! Ary tsy nandeha nankany amin'ny fandanjalanjana aho. Raha efanihaino fandanjalanjana aho, dia ho efa nisy olona an'arivony maty angamba, taona maro lasa. Fa nitondra Hafatra iray tahaka ny Nolazainy marina tokoa aho, nanerana sy nanerana an'izao tontolo izao.

¹⁹⁰ Ary mandeha indray aho, nohon'ny fahasoavan'Andriamanitra; tsy amin'ny alàlan'ny fandanjalanjana, fa amin'ny alàlan'ny fanirahana iray. Haleloia. Izaho tsy niankina... Hoy ianareo hoe, "Dimy amby dimampolo taona ianao." Raha dimy amby sivy folo taona aho, tsy midika zavatra iray izany. Izy no mbola ilay Andriamanitra iray ihany foana tahaka Azy niaraka tamin'i Abrahama. Eny, tompoko. Aza miankina amin'ireo fahalalanareo manokana.

¹⁹¹ Ary rehefa avy niseho ilay famantarana, ka nanaraka ilay Feo, ary nanomboka nandà ahy ireo fiangonana sady nanakatona ny varavarany, teo amin'ny Foto-pampianarana, ka tsy nisy iray tamin'izy ireo sahy nitsangana teo anatrehako mba hilaza fa marina Izany na diso. Mihaika azy rehetra ireo aho. Ah-hah. Tsy ny ho mahay, saingy fantattro izay misy ahy. Marina izany. Inona no nataon'izy ireo? Inona no nataon'izy ireo? Nakaton'izy ireo ny varavarana rehetra. "Ankehitriny inona no hataonao?"

¹⁹² Indray andro, tany an-tendrombohitra, nitsangana tany aho. Hoy aho hoe, "Tompo, manana varavarana anankiray misokatra aho ao amin'ilay firenena manontolo, araka ny fantattro, Phoenix izany, Arizona. Ilay anankiray tokana izay ananako." Dia nanomboka nidina an'ilay tendrombohitra aho. Tena mazava mihitsy tahaka ny hany nandrenesako olona iray niteny, nanao hoe, "Ho inona aminao izany? Manaraha Ahy ianao." Noho izany, tsy amin'ny fahalalako manokana. Hiankina amin'ny Fampanantenany aho.

¹⁹³ Oh, ry sakaiza, aza miankina amin'ireo fandanjalanjana. Amin'izay fotoana izay dia miantsoantsoa, miaraka amin'ny Eddie Perronet fahiny hoe:

Ny dera rehetra ho an'ny herin'ny Anaran'i Jesosy!
Aoka ireo Anjely hiankohoka;
Ento ilay diademan'ny mpanjaka,
Ary satrohy ho Tompon'ny rehetra Izzy;
Satrohy ho Tompon'ny rehetra Izzy.

¹⁹⁴ Marina izany. Aza miankina amin'izay neverinareo, izay neverin'ny olon-kafa. Amin'ny finoana no anekeo ny teny fikasan'Andriamanitra. Hanao an'izany ve ianareo? Ankehitriny ilay izy dia tsy izay nanaovan'ny olona iray hafa azy, na tsy nanaovan'izy ireo azy, fa ahoana ny aminareo? Inona no hanaovanareo an'ity Jesosy nantsoina hoe Kristy ity, izay mampahafantatra ny Tenany amin'ity andro ity, ilay tsy miova tahaka ny Nataony tamin'izany andro izany? Mino Azy ve ianareo? [Hoy ny fiangonana hoe, "Amena."—Mpand.]

Ndao isika hivavaka.

¹⁹⁵ Tompo Jesosy, Mpanjakan'ny mpanjaka, Tompon'ny tempo, Andriamaniry ny andriamanitra, Andriamaniry ny manam-pahefana rehetra; ilay Voalohany, ilay Farany; ilay Alfa, Omega; ny Fiandohana sy ny Fiafarana; ilay Kintan'ny Maraina sy Mamiratra, ilay Raozin'i Sarona, Lisin'ny Lohasaha, Faka sy Solofon'i Davida; avia, Tompo Andriamanitra, ilay tsy miova omaly, anio, ary mandrakizay!

¹⁹⁶ Tahio ity vondron'olona ity, Tompo. Ity... [Elanelana tsy voaraki-peo—Mpand.] vonona ny hanomboka fotsiny rahampitso. Efa nanana favoriana kely iray izahay teto, ary nitahy anay Ianao tao anatin'izany. Nampahafantatra ny Tenanao taminay Ianao. Mivavaka aho, Andriamanitra, mba Hanohizanao mampahafantatra ny Tenanao aminay. Tahio izahay izao hariva izao. Ampio izahay ankehitriny. Vahoaka manana ilaina izahay.

¹⁹⁷ Ary, Tompo, Fantatrao fa tsy tiako ny mandevilevy ny olona, saingy ahoana no ahafahako mampangina an'io firehetana masina io? Tsy tiako ny manao an'izany, Tompo. Fantatrao ny fiainako, ny foko. Tsy maintsy manao an'izany aho. Ary mivavaka aho, Andriamanitra, mba Hanampianao ahy hanao an'izany. Omeo fahasoavana aho, ary aza mamela ahy mihitsy hiankina amin'ny fahalalako manokana, fa avelao aho hiankina amin'ny Fampanantenanao. Amin'ny Anaran'i Jesosy. Amen.

¹⁹⁸ Tiako ianareo, ny tsirairay, mba tena hanaja mandritry ny minitra vitsy fotsiny. Ao amin'ity vondron'olona ity, dia misy lehilahy sy vehivavy mipetraka, tsy isalasalana, izay marary. Firy no marary sy ory ato, atsangano ny tananareo, manaova fotsiny hoe, "Mila an'Andriamanitra aho"?

Atsangano fotsiny ny tanganareo izao ankehitriny izao hoe, “Mila an’Andriamanitra aho.”

¹⁹⁹ Ankehitriny, tsy tena mahafantatra olona betsaka aho. Fantatro ireto zazalahy telo mipetraka eto mihitsy ireto. Fantattro Atoa. Dauch sy ny vadiny mipetraka etsy. Heveriko, heveriko fa Ranabavy Moore ity. Tsy azoko antoka. Marina ve izany, Ranabavy Moore? Ankoatran’izay, dia ataoko fa izany no izy, ho an-dRahalahy Mike sy ny lampihazo. Izay no izy araka, araka ny hitako, izay fantattro.

²⁰⁰ Fa ny Ray any An-danitra Izay nampanantena, ary amin’ity andro ity no Hanamarinany ny Tenany ao amin’ity taona ity, tahaka ny Nataony marina tokoa tany Sodoma. Nampanantena an’izany ve Izy? [Hoy ny fiangonana hoe, “Amena.”—Mpand.] Maneho ny Tenany! Mino an’izany ve ianareo? [“Amena.”]

²⁰¹ Ankehitriny raha hivavaka ianareo, ary amin’ny finoana! Ankehitriny dia aza manandrana handanjalanja hoe, “Ahoana no ahafahako mikasika Azy ho Mpisoronabe?”

²⁰² Ankehitriny, ny Baiboly no nilaza, ny Testamenta Vaovao hoe, “Izy no Mpisoronabe izao ankehitriny izao. Manohy ho Mpisoronabe Izy araka ny laharan’i Melkizedeka. Izy no Mpisoronabe mandrakizay. Tsy misy Mpisoronabe hafa afa-tsy Izy. Tsy misy mpanelanelana hafa eo amin’Andriamanitra sy ny olona, afa-tsy Kristy Olona.” Marina izany. Izy no Anankiray tokana, ary Izy no tsy miova omaly, anio, ary mandrakizay.

²⁰³ Ankehitriny raha mijanona ho io Mpisoronabe iray io ihany Izy, ka hoy ny Baiboly hoe, “Isika dia afaka mikasika Azy amin’ny alàlan’ny fahatsapan’ny fahalementsika,” tahaka an’io vehivavy kely izay nikasika ny Akanjony io, dia afaka mikasika Azy ny finoanareo izao hariva izao ary hihetsika amin’ilay fomba iray ihany Izy, tao amin’nynofon’olombelona, tahaka ny Nataony fony Izy tao amin’nynofon’olombelona tany teo amin’ny—teo amin’ny ôkan’i Abrahama. Mino an’izany ve ianareo? [Hoy ny fiangonana hoe, “Amena.”—Mpand.] Izy no nampanantena fa Hataony izany. Ankehitriny mivavaha fotsiny, ny olona rehetra izay manana ilaina. Ary izaho—izaho . . .

²⁰⁴ Ilay izy dia tahaka ny nolazaiko, ny fanomezam-pahasaoavana dia tsy zavatra iray izay toy ny hoe maka antsy iray ianareo, ka raha tianareo ny hanapaka an’ity amin’izany, dia afaka manapaka azy ianareo; na tapahanareo ity, dia afaka manapaka azy ianareo, na inona na inona tianareo ho tapahana. Tsy izany ny fanomezam-pahasaoavan’Andriamanitra. Hitanareo? Tsia.

²⁰⁵ Ny fanomezam-pahasaoavan’Andriamanitra dia fomba iray izay tsy maintsy hanesoranareo ny tenanareo amin’ilay lâlana. Ary ireo fanomezam-pahasaoavana sy antso dia fifidianan’Andriamanitra mialoha. “Ireо fanomezam-pahasaoavana sy antso dia tsy misy anenenana akory aza.” Teraka

miaraka amin'izany ianareo. Vitesy kely iray izay hanosehanareo ny tenanareo hiampita, nefà tsy afaka manitsaka eo amin'ilay fivoizana ianareo. Hitanareo? Andriamanitra no tsy maintsy mampandeha azy. Tsy maintsy manala ny tenanareo amin'ilay lâlana ianareo.

²⁰⁶ Ny finoanareo no afaka mampandeha azy, fa tsy ny ahy; ny anareo. Ny ahy dia manala an'ilay izy eo amin'ny lâlana fotsiny. Minoa ianareo amin'ny fonareo rehetra fa velona Jesosy Kristy androany.

²⁰⁷ Aza miankina amin'ny fahalalanareo manokana, hoy ianareo hoe, “Eny, jereo ankehitriny, izaho—ao amin'ny toerana sarotra aho, rahalahy. Tsy mahafantatra ahy ianao. Efa tao amin’ity sezamisy kodiarana ity aho. Izaho efa . . .”

²⁰⁸ Tsy ahoako izay efa naha-izy anareo, fa jereo raha tsy hidina Andriamanitra ka hanao marina tokoa tahaka ny Nataony fony Izy teto an-tany tao amin'ny tena ara-batana iray. Hanao an'izany ao amin'ny vatanareo Izy, ao amin'ny vatako, miaraka ho antoko iray mino Azy. Hanao an'izany Izy satria Izy no nampanantena fa Hataony izany.

²⁰⁹ Ankehitriny aza miankina amin'izay lazain'olona hoe, “Oh, izany dia—fifandraisana ara-tsaina iray izany,” izany no iantsoan’izy ireo Azy. Nilaza an'ilay zavatra iray ihany tamin'i Jesosy. Nilaza izy ireo fa mpanao hatsarana iray Izy, “devoly iray.” Saingy Izy no Zanak’Andriamanitra, satria araka ny Tenin’Andriamanitra nampanantenaina Izy.

²¹⁰ Ankehitriny, araka ny nolazaiko, ireo—ireo toerantsika, tsy voatery hanana an'izany isika, mba hitsangana ka hametra-tànana eo amin'ny olona. Efa nametra-tànana teo amin'izy ireo isika omaly hariva. Fa ny zavatra tokana tsy maintsy anananareo dia ny finoana, ary avy eo dia manaiky. Amin'ny finoana no anekenareo azy, amin'ny finoana. Tsy—tsy amin'ny zavatra iray izay . . .

Aza manao hoe, “Eny, ankehitriny ahoana no ahafahan’izany ho vita?”

²¹¹ Raha afaka miteny aminareo aho hoe ahoana no nahavita an'ilay izy, amin'izay fotoana izay dia tsy ho finoana intsony izany. Tsy fantatro hoe ahoana no nahavita an'ilay izy. Tsy fantattro, saingy inoako ilay izy. Izaho—tsy fantattro hoe ahoana—ahoana no amonjen’Andriamanitra ny mpanota iray, saingy Ataony izany. Tsy fantattro hoe ahoana no anaovan’Andriamanitra ny iray amin'ireo zavatra ireo, saingy manaiky an'ilay izy aho. Izy, Izy no manao an'izany, ary tahaka an'izany ilay izy. Satria, tsy afaka manazava an'izany aho. Ankehitriny, eny, izaho . . . Tsy ho voazava mihitsy. Tsy misy olona afaka hanazava. Satria, raha manazava ianareo, amin'izay fotoana izay dia tsy finoana intsony izany.

²¹² Tsy hitako hoe ahoana no mety haha-Olona iray ihany an'Andriamanitra sy Kristy, saingy izany Ireo. Ny Soratra no nilaza. Eny, tsy afaka manazava an'izany ianareo, saingy, izany Ireo. “Ny Raiko dia ato Amiko. Tsy Izaho no manao an'ireo asa; Ny Raiko ato Amiko izany. Raha tsy manao an'ireo Asany Aho, amin'izay fotoana izay dia izany no maneho fa tsy avy Aminy Aho. Fa raha manao an'ireo Asany Aho, amin'izay fotoana izay dia Izy Tenany no manambara fa avy Aminy Aho.”

²¹³ Eny, zavatra mitovy ihany izany ankehitriny, zavatra mitovy ihany marina tokoa. Izy no tsy miova omaly, anio, ary mandrakizay, raha hino ianareo.

²¹⁴ Ankehitriny dia misy lehilahy iray mipetraka eto anoloako eto mihitsy, manana volo maity izy. Manana famantaranandro eo amin'ny sandriny; palitao sy pataloa maity. Manao solomaso izy. Raha afaka mijery aty mihitsy ianareo, dia mahita azy mipetraka miaraka amin'ny masonry mikimpy, mivavaka. Tsy fantatro io lehilahy io. Ny Ray any An-danitra dia mahafantatra fa tsy mahafantatra azy aho. Fa hikarakara azy mandritry ny iray minitra fotsiny aho, satria toy ny tena tso-po izy, mipetraka eo. Hatramin'ny nanaovako an'ilay filazana, dia nanakimpy ny masonry fotsiny ilay lehilahy ary nanomboka nivavaka. Vahiny iray amiko ilay lehilahy, izany no izy, ity ny tànako. Tsy mahafantatra azy aho. Andriamanitra no mahafantatra an'ilay lehilahy, ary Izy no afaka manambara amiko. Raha marina ity teny fikasana ao amin'ny Baiboly ity, dia afaka manambara amiko Izy hoe ho an'ny inona no anakimpian'io lehilahy io ny masonry, ary inona no ivawahany. Mino an'izany ve ianareo? [Hoy ny fiangonana hoe, “Amena.”—Mpand.]

²¹⁵ Mino an'izany ve ianao, tompoko? Raha hanokatra ny masonao ianao, ianao mipetraka eto io mihitsy, mijere mahitsy aty. Mino an'izany ve ianao? Eny àry. Ankehitriny dia fantatrala fa tsy mahafantatra anao aho. Samy vahiny isika. Fa Andriamanitra dia mahafantatra anao. Ankehitriny dia manomboka mitomany izy, mandrotsa-dranomaso. Satria, afaka miteny aminy aho ankehitriny fa hamaly ny fangatahany Andriamanitra, hitanareo, satria vao avy nandona azy vao teo mihitsy izany, io Hazavana io; avy amin'ny aizina, niova ho Hazavana. Hitanareo?

²¹⁶ Ankehitriny, ilay lehilahy, mivavaka ho an'ny olon-kafa izy, ary izany dia io zazalahy kely mipetraka eto akaikiny eto io. Zanakalahiny io. Marina izany. Ankehitriny, io zazalahy kely io dia mijaly amin'ny—ny fikorontanany vavony, ary zavatra iray tsy mety ihany koa amin'ny tsinainy. Marina izany. Marina izany.

²¹⁷ Tsy avy eto izy ireo. Tsy avy eto Arizona ianareo. Avy any California ianareo. Marina. Fa mpitoriteny iray ianao, ary ny fiombonanao dia miaraka amin'ny Assemblées de Dieu.

Marina izany. Rev. McKeig no anaranao, na, Rev. Keig, marina izany. Marina ve izany? Ahofahofaho tahaka an'izao ny tànanao. Ankehitriny dia ho salama ny zazalahy kelinao. Hitanao? Ny finoanao!

²¹⁸ Ankehitriny inona? Io ilay lehilahy miaraka amin'ny tànany mitsangana ankehitriny, tsy mahafantatra ahy izy, izaho tsy mahafantatra azy. Fa inona ilay izy? Nikasika an'ilay Mpisoronabe izy. Ankehitriny, hitanareo, tsy afaka niankina tamin'ny fahalalany manokana izy. Inona no tsy maintsy ataony ankehitriny, inona no ataony ankehitriny? Tsy maintsy mino an'izay notenenina taminy izy, ny fahamarinana, satria fantany fa tsy mahafantatra ahy izy. Marina izany.

²¹⁹ Indro, indro ny vehivavy iray mipetraka eto alohako eto mihitsy, ihany koa, manondrika ny lohany izy. Mijaly amin'ny homamiadana iray izy. Avy any California ihany koa izy. Manantena aho fa tsy diso an'izao izy. Ramatoakely Adams. Izany no anarany. Tsy mbola nahita azy mihitsy aho teo amin'ny fiainako. Hia, marina izany.

²²⁰ Misy ramatoa iray mipetraka *eto* aoriana eto mihitsy. Izaho tsy afaka mametraka fotsiny ny, manondro azy fotsiny, saingy mahita an'ilay Hazavana mihantona eo amboniny aho. Ao anatin'ny olana lalina izy. Tratry ny olana eo amin'ny tendany izy, ho an'ny zavatra iray. Ary ny zavatra iray hafa, izy—izy dia tratry ny—ny olana ara-panahy, manahy ny voakorontan'izany izy. Ary tratry ny olana ara-pianakaviana izy; vao avy lasa nandositra ny zananivavy. Marina izany. Marina izany, sa tsy izany? Manangana ny tànany izy. Rtoa. Miller. Marina izany. Mino ve ianao? Hamerina azy Andriamanitra, hanasitrana ny vatanao. Ankehitriny, tsy mbola nahita azy mihitsy aho teo amin'ny fiainako. Tena vahiny iray tanteraka izy.

²²¹ Indro ny ramatoa iray mipetraka *eto*, ao amin'ny mpanatrika. Izy—tsy avy eto izy, avy any California ihany koa izy. Tratry ny homamiadana izy, ary ao amin'ny nonony ilay homamiadana. Efa nodidiana izy teo amin'ny nono iray, ary lasa nankeo amin'ilay hafa ilay izy. Marina. Ramatoakely Calvin. Marina izany. Mino ve ianao fa hanao anao ho salama Andriamanitra? Mino an'izany ianao. Vahiny aminao aho, ramatoa. Tsy mahafantatra anao aho. Marina izany. Hitanaeo? Tratry ny homamiadana izy.

Mba ahafahanareo mahafantatra fa manatrika Andriamanitra!

²²² Misy ramatoa iray mipetraka eo akaikiny mihitsy. Ny anarany dia Rtoa. Harris. Vahiny tanteraka amiko izy. Fa rehefa nandona an'io vehivavy io ny Fanahy, dia nangoraka azy ihany koa izy. Ary avy any California izy. Marina izany. Ary tratry ny aretina ao amin'ny sorony izy. Marina izany. Mino ve ianao fa hanasitrana anao Andriamanitra. Raha marina izany, dia

atsangano ny t  nanao mba ahafahan'ny olona hahita; vahiny tanteraka.

²²³ Aza miankina amin'ny fahalalanareo manokana. Inona no afaka manao an'izany? Tsy afaka manazava an'izany ianareo. Sarotra inoana iray izany. Any ankoatry ny fanazavana izany. Anontanio ireo olona ireo; tsy mbola nahita azy ireo mihitsy aho teo amin'ny fiainako, tsy nahafantatra na inona na inona mihitsy mikasika azy ireo. Afaka mitohy fotsiny mandritry ny favoriana izany.

²²⁴ Fa, ankehitriny jereo, aza miankina amin'ny fahalalanareo manokana. Fa miankina amin'izay Nampanantenainy, hoe Izy no hanao an'izany; raha tsy izany ilay Fanahy iray ihany izay nonina tao amin'nynofon'olombelona, izay nahafantatra fa nihomehy tao anaty tranolay i Saraha, taorian'ilay Lehilahy. Marina ve izany? Ary nampanantena Izy, talohan'ny nandravana an'izao tontolo izao tamin'ny afo mihitsy, rehefa hanambara ny Tenany indray amin'ny fomba tahaka an'izany ny Zanak'olona, fa ny—ny Zanak'olona (ara-paminaniana) dia hanambara ny Tenany ao amin'nynofon'olombelona tahaka Azy miaraka amintsika eto izao hariva izao, tahaka ny Nataony tamin'izany. Ankehitriny dia ora inona no iainantsika? Akaikin'ny fandravana mihitsy.

²²⁵ Ry sakaiza, aza mitsangana eto, intsony, ho mpanota iray. Maneke an'i Jesosy Kristy raha mbola eo amin'Ny Fanatrehany ianareo. Ankehitriny, fantattro, maz  na dia fomba fanaon'ireo mpitoriteny ny manao fiangaviana sy milaza tantara, mikasika ny reny izay efa maty sy lasa. Mety tsara izany. Saingy tsy manatona eo amin'ny fototry ny renintsika efa maty isika. Ny reniko dia maty, ihany koa; ny raiko, ihany koa. Saingy manatona isika, am-pahendrena, manaiky eo amin'ny fototr'Andriamanitra maneho ny Tenany ao amin'i Jesosy Kristy, mba hanaisotra ny fahotan'izao tontolo izao. Tonga isika ary mino ny amin'ny Fanaovam-panavotana. Ary raha mbola nanamarina Ny Teniny Izy . . .

²²⁶ Tsy ahoako izay fiangonana efa nandehananareo, Metodista, Batista, Katolika, Presbyterana, na tsy nisy fiangonana mihitsy. Raha hanaiky ianareo fa hafa no nahazoanareo azy, ka mahafantatra fa tsy mbola nateraka indray mihitsy tokoa ianareo, nefo te-ho hateraka, ka te-hanaiky an'izany ankehitriny, ny teny fikasana ankehitriny. Mety tsy nofenoina ianareo ankehitriny, fa hofenoina ianareo rehefa ny . . . arakaraky ny itohizan'ireo favoriana. Raha te-hanaiky an'izany eo amin'ireo fototra ireo ianareo, dia hitsangana ve ianareo ka hamela ahy hanolotra vavaka ho anareo avy hatrany eo amin'izay itsangananareo. Ny tsirairay ato izay mahafantatra . . .

²²⁷ Aza miankina amin'ny anareo manokana, eny, manao hoe, "Efa niteny tamin'ny fiteny tsy fantatra aho." Ankehitriny, tsy

misy idiran'izany amin'io. Izaho dia mino ny fitenenana amin'ny fiteny tsy fantatra, ihany koa.

²²⁸ Fa efa nahita an'ireo mpamosavy aho, ireo devoly, sy ny zavatra hafa rehetra, niteny tamin'ny fiteny tsy fantatra ary nandika an'izany. Marina izany. Anontanio ireo misionera eto, afaka mahita isika, Rahalahy Creech, sy ianareo dia mahafantatra fa marina izany. Efa nahita azy ireo niteny tamin'ny fiteny tsy fantatra aho, ary nisotro rà avy tamin'ny karandohan'olombelona, miantso ny devoly. Azo antoka. Efa nahita azy ireo nametraka pensily iray aho, ary nitsangana izany ka nanoratra tamin'ny fiteny tsy fantatra; ary nitsangana teo ilay mpamosavy sy mpanao hatsarana, nandika an'izany.

²²⁹ Noho izany ny fitenenana amin'ny fiteny tsy fantatra dia tsy famantarana fa nahazo ny Fanahy Masina ianareo. Raha izany, ary raha miteny amin'ny fiteny tsy fantatra ianareo nefà mandà ny Teny, dia misy zavatra tsy mety any ho any. Marina, ah-hah, marina. Aza miankina amin'ny fahalalanareo manokana.

²³⁰ Olona iray ankehitriny, hoy ianareo hoe, “Eny, efa nihiakiaka an'izany aho.” Izaho koa. Fa aza miankina amin'izany.

²³¹ Efa nahita an'ireo karazana herin-demony rehetra nihiakiaka sy niantsoantso aho. Efa nahita an'ireo Mohametana nihiakiaka sy niantsoantso aho hany ka, nampitroatroatra ny tenany tao amin'ny toerana iray izy ireo, afaka nanatsofoka zava-maranitra teo amin'ny tànany. Tany Inde, dia efa nahita azy ireo niantsoantso sy nitsambikina ambony-sy-ambany aho, naka baolina misy rano, miaraka amin'ny lelam-pintana ao anatiny, ary nampiditra an'izany tao amin'ny hodiny ka nandeha teo ambonin'ny afon-tsaribao mahamay, marina, mandà an'i Jesosy Kristy.

²³² Hitanareo, aza miankina amin'ny fahalalanareo manokana, fa amin'ny Tenin'Andriamanitra. Raha tsy mikezaka mafy ny fiainanareo, miaraka amin'ity Baiboly ity, mba hino ny Teny rehetra izay ato anatiny ato; ka te-hino an'izany ianareo, ary te-hanao an'Andriamanitra hanao ny Sitrapony amin'ny alàlanareo, satria afaka ny ho ampahan'Andriamanitra ianareo, dia hitsangana ve ianareo ka hanao hoe, “Hanaiky an'izany aho izao ankehitriny izao, rahalahy.” Misaotra anao. Misaotra anao. Andriamanitra hitahy anao. Enga anie Andriamanitra hanaiky ho anareo, ireo tso-po rehetra. Hoy ianareo...Izao fotsiny—manohiza mitsangana fotsiny, izao fotsiny...

²³³ Hoy ianareo hoe, “Mambram-piangonana iray aho, Rahalahy Branham, saingy Pentekotista iray tokoa aho; fa rehefa tonga tokoa eo amin'ny filazana tokoa hoe afaka mino aho fa ity Teny rehetra ity no Fahamarinana, dia tsy afaka manao an'ilay

izy fotsiny aho, nef a izaho—te-hanao an’izany aho. Manampia ahy ianao, mivavaha ho ahy ianao. Te-hitsangana aho ka hanao hoe, ‘Izaho—izaho . . .’” Hoy ianareeo hoe, “Eny, jereo, mipetraka eto, na efa nanambara tato amin’ity fiangonana ity aho, fa efa izany aho.” Saingy fantatrareo, ao ambanin’ny fonareo, dia tsy izany ianareeo. Andriamanitra no mahafantatra fa ianareeo dia tsy izany, ihany koa, hitanareo, noho izany dia nahoana no tsy mitsangana fotsiny. Aza miankina amin’ny fahalalanareo manokana, fa miankina amin’Ny Teniny.

²³⁴ Hitsangana ve ianareeo, sasantsasany amboniny? Misy olona hafa te-hitsangana ve? Andriamanitra hitahy anao. Andriamanitra hitahy anao. Andriamanitra hitahy anao, ianao. “Andriamanitra, ampio aho.” Andriamanitra hitahy anareo rehetra. Tsara izany. Manohiza mitsangana fotsiny.

²³⁵ Hoy ianareeo, “Hanao soa ho ahy ve izany?” Mitsangàna indray mandeha, dia jereo raha manao izany. Aoka ho hentitra amin’izany tokoa hoe, “Tiako, Rahalahy Branham, te-hahitsy aho. Te-hahitsy aho.”

²³⁶ Ankehitriny, tsy milaza aho hoe ialao ny fiangonanareo. Tsia, tompoko. Mijanôna mihitsy any amin’izay misy anareo, aoka ho tena olona iray feno ny Fanahy Masina fotsiny ao amin’izany fiangonana izany. Hoy ianareeo hoe, “Eny, tsy fantattro izay holazain’ny pasiterako.” Hankasitraka anareo izy raha ianareo no, raha lehilahin’Andriamanitra iray izy. Marina izany.

²³⁷ “Aoka ho tena hamiratra eo anatrehan’ny olona ny hazavanareo mba hahitan’izy ireo ny asa tsaranareo ka hankalazany ny Rainy.”

²³⁸ Andriamanitra hitahy anao. Eny, Andriamanitra hitahy anareo roa, sy ianao; ary ianao, rahalahy, ianao. Andriamanitra hitahy anareo, ny tsirairay avy. Andriamanitra hitahy anao. Andriamanitra hitahy anao eto ambany eto.

²³⁹ Ankehitriny ianareo izay nitsangana, raha mahatsapa ho tsaratsara kokoa ianareo rehefa avy nitsangana, dia atsangano fotsiny ny tânânanareo mba hiteny amin’ny hafa fa mahatsapa ho tsaratsara kokoa mikasika an’izany ianareo rehefa avy nitsangana. Hitanareo, ny tânâna rehetra. Azo antoka, mahatsapa ianareo. Hitanareo, tso-po ianareo. Mitsangana ianareo, manao hoe, “Ho vavolombelona iray aho.”

²⁴⁰ “Izay hanohana Ahy eto, dia hanohana azy Aho any. Izay menatra Ahy eto eo anatrehan’ny olona, dia ho menatra azy Aho eo anatrehan’Ny Raiko sy ireo Anjely masina.” Aza menatra Azy. Aza miankina amin’ny fandanjalanjanareo manokana. Miankina amin’ny Tenin’Andriamanitra. “Izay hanaiky Ahy eo anatrehan’ny olona, dia hanaiky azy Aho eo anatrehan’Ny Raiko sy ireo Anjely masina.”

²⁴¹ Hisy sasany amboniny ve, alohan’ny hivavahantsika mihitsy? Ndao àry isika hanondrika ny lohantsika. Andriamanitra hitahy

anao, ranabavy. Azo antoka. Andriamanitra hitahy anao, sy ianao, rahalahy. Izany tokoa. Hisy anankiray hafa ve, raha manondrika ny lohantsika fotsiny isika? Andriamanitra hitahy anao, ianao. Ankehitriny, marina izany, mbola mitsangana foana ianareo. Hiandry vetivety fotsiny isika, vetivety fotsiny. Andriamanitra hitahy anao, rahalahy. Andriamanitra hitahy anao. Hoy ianareo, "Midika zavatra iray ve izany, ny manao hoe, 'Andriamanitra hitahy anao'?" Izany dia manonona an'ireo fitahiako aminareo. Andriamanitra hitahy anao.

²⁴² Ny sasany aminareo izay mitsangana manodidina ny rindrina, ka tsy manana efitra hipetrahana ianareo, hanangana ny tānanareo fotsiny ve ianareo, hanao hoe, "Izaho, Andriamanitra, izaho izany"? Andriamanitra hitahy anao, rahalahy. Andriamanitra hitahy anao, sy ianao; ary ianao, ranabavy; ary ianao, ry rahalahiko; ary ianao, ranabaviko.

²⁴³ Oh, mihetsika tena malemy fanahy eo ambonin'ny mpanatrika ny Fanahy Masina. Afaka mahatsapa an'Izany ve ianareo? Andriamanitra hitahy anao, ry lehilahy tanora eto amin'ny lampihazo eto. Andriamanitra hitahy anao, etsy amin'ny zoron-trano. Andriamanitra hitahy anao, ry zazalahy tanora. Eny.

²⁴⁴ O Fanahy Masina, mihetseha indray ao am-ponay ankehitriny. Asehoj anay ny fahadisoanay, Tompo. Izahay tsy... Tsy hiankina amin'ny fahalalanay manokana izahay, ny fandanjalananjanay manokana. Fa miankina Aminao izahay, satria fantatray fa mitsangana ao amin'Ny Fahamasinanao izahay, teny fikasana voamarina an'izao andro izao. Nampahafantatra ny Tenanao Ianao any ankoatry ny, ankoatry ny fandanjalananjanay rehetra. Tsy afaka mandanjalanja izahay na manazava an'izany. Fa nidina avy hatrany teto afovoanay Ianao ankehitriny, ary nampahafantatra anay fa eto Ianao, ary mino an'izany sy manaiky an'izany ireo lehilahy sy vehivavy.

²⁴⁵ Andriamanitra, raiso ho eo an-Tratranao ny tsirairay avy amin'izy ireo, ary afeno ao amin'ilay Vatolampin'ny Taona izy ireo mandra-pandalon'ireo afo. Efa hodorana izahay ankehitriny, Tompo. Fantatray izany. Miverina ao Sodoma izahay. "Saingy ny marina dia tsy ho levona miaraka amin'ny meloka." Hiantso an'ireo Zanakao Ianao, Tompo. Niteny tamin'i Lota Ianao hoe, "Mivoaha eo. Mivoaha." Mivavaka aho, Andriamanitra, mba ny tsirairay avy izay ao amin'io toerana io izao hariva izao, izay any ivelany any, tsy manana antoka hoe aiza no itsanganan'izy ireo...

²⁴⁶ Andriamanitra, tsy haka anjara iray hidinana eny amin'ny lālambe tsy azo iverenana izy ireo, ilay lālan-diso. Tsy haka anjara iray hiampitana ny jiro mena iray izy ireo, raha ao amin'ny sainy tsara izy ireo, satria mety ho faty izy ireo. Noho izany dia ahoana no hakan'ny olona iray

anjara eo amin'ny fitodiany Mandrakizay, maminavina fotsiny, manombatombana, sahisahy foana tsy tena misy fahefana mba haahasahiana, satria mikambana amin'ny fiangonana iray na anaram-piangonana iray izy ireo? Ary tsy afaka tokoa izy ireo, tsy afaka mahazo izy ireo hoe ahoana fa ny Tenin'Andriamanitra amin'izao andro izao dia afaka ny ho tahaka azy tamin'izany fotoana izany, ahoana fa mety ho tonga voaseho ireto teny fikasana ireto. "Ny taona apostolika dia efa lasa." Ampio izy ireo, Ray. Apetrako Aminao izy ireo amin'ny Anaran'i Jesosy Kristy. Amena.

²⁴⁷ Misaotra anareo, ry rahalahiko, ranabaviko. Tena faly aho miantso anareo ho rahalahiko, anabaviko.

²⁴⁸ Tsarovy, hanao ahy hamaly nohon'ny teny rehetra Andriamanitra, amin'ny Andron'ny Fitsarana. Ny zavatra rehetra izay notoriako izao hariva izao, dia tsy maintsy hamaly ny amin'izany aho. Mahalala tsara an'izany aho. Ary inona no nataoko hatramin'ny naha-zazalahy kely, nitory an'ity Filazantsara ity, nefo avy eo dia ho lavina iray ve?

²⁴⁹ Ankehitriny firy aminareo no marary sy ory, eto izao hariva izao, ka te-hivavahana ianareo? Atsangano ny tànanareo. Ankehitriny hanao zavatra anankiray amboniny ho ahy fotsiny ve ianareo? Apetraho eo ambonin'ny anankiray hafa ny tànanareo. Mifametraha tànana ianareo. Ny olona rehetra aondreho ny lohanareo ankehitriny, ary toy ny hoe tany ampiangonana fotsiny ianareo, eto amin'ny lampihazo eto.

²⁵⁰ Andriamanitra malala, amin'ny Anaran'i Jesosy Kristy, ary amin'Ny Fanatrehany, Fanatrehana voamarina iray! Ilay tena Teny mihitsy izay efa notoriana, dia efa voamarina fa Ianao no tsy miova omaly, anio, ary mandrakizay. Aoka ny Fanahy Masin'Andriamanitra hanenika eto amin'ity vondron'olona ity izao ankehitriny izao. Maro amin'izy ireo no tonga ka nanaiky Anao ho Mpamonjiny, mpiverin-dàlana maro no nanaiky Anao ka niverina. O Andriamanitra, mivavaka aho mba amin'ny Anaran'i Jesosy Kristy, mba Hanasitrananao ny olona rehetra. Hoy Ianao hoe, "Izao famantarana izao no hanaraka an'ireo izay mino; raha mametraka ny tànany eo amin'ny marary izy ireo, dia ho sitrana ireny." Ianao no nampanantena an'izany, Tompo, ary mametraka ny tànany eo amin'ny iray hafa ireo zanaka mino.

²⁵¹ Satana, resy ianao. Mivoaha amin'ireto olona ireto, amin'ny Anaran'i Jesosy Kristy. Avelao handeha ireto olona ireto, nohon'ny amin'ny Fanjakan'Andriamanitra, amin'ny Anaran'i Jesosy. Amena.

²⁵² Ny rehetra izay mino fa Jesosy Kristy no Mpanasitrana anareo ankehitriny, ary Mpamonjinareo ihany koa, ka te-hanaiky Azy eo ambonin'ireo tany iray ihany ianareo, dia mitsangàna, manaova hoe, "Manaiky an'i Jesosy ho Mpanasitrana ahy aho ankehitriny, ary Mpamonjiko ihany koa."

Mahafinaritra! Derao ny Tompo! Isaory ny Tompo! Ndao isika hanangana ny tànantsika ankehitriny ka hihira ho Azy.

Ho deraiko Izy, ho deraiko Izy,
 Derao ilay Zanak'ondry maty ho an'ny mpanota;
 Omeo voninahittra Izy, ianareo olona rehetra,
 Fa Ny Ràny no nanadio ny pentimpentina
 tsirairay.

²⁵³ Oh, tsy mahatsapa ho tsara ve ianareo? Ahofahofaho ny tànanareo. Oh, oadray! Ndao isika hihira an'izany indray.

Ho deraiko Izy, ho deraiko Izy,
 Derao ilay Zanak'ondry ho... (Tsarovy, “tsy
 miova omaly, anio, ary mandrakizay,” io
 Zanak'ondry io.)
 Omeo voninahittra Izy, ianareo olona rehetra,
 Fa Ny Ràny no nanadio ny pentimpentina
 tsirairay.

²⁵⁴ Tianareo ve izany? [Nihiakiaka ny fiangonana hoe, “Haleloia!”—Mpand.] Amena. Ndao isika hanatsotra ka handray tànana ny olona. Izao no famakiana ny fivoriana, fanombohana ny fivoriana. Manaova hoe, “Andriamanitra hitahy anao, rahalahy, mpivahiny. Andriamanitra hitahy anao.” Mahafinaritra izany. Tsara izany. Mahafinaritra! Mino ve ianareo ankehitriny fa hanana fivoriana lehibe iray isika aorian’ity? [“Amena.”] Misactra an’Andriamanitra isika nohon’ny fivoriana lehibe iray, ankehitriny dia hanana fivoriana lehibe iray isika. Ny rehetra izay mino an’izany, dia manaova hoe, “Amena.” [“Amena.”]

Ny finoako miandranda Anao,
 Ianao ry Zanak'ondry (ndao isika hijery Azy
 ankehitriny) an'i Kalvary,
 O Mpamony Masina;
 Ankehitriny henoy aho raha mivavaka,
 Esory ny otako rehetra,
 O avelao aho manomboka amin’ity andro ity
 Ho Anao manontolo!

Raha mamindra ao amin’ny lèla-maizin’ny
 fiainako aho,
 Ka miangona manodidina ahy ireo fahoriana,
 Aoka Ianao no ho Mpitari-dàlako;
 Didio ny aizina hivadika ho andro,
 Fohano ireo tahotry ny alahelo,
 O avelao aho manomboka amin’ity andro ity
 Ho Anao manontolo!

²⁵⁵ Amena! Ny fiangonana nanao hoe, “Amena.” [Hoy ny fiangonana hoe, “Amena.”—Mpand.] Haleloia!

Oh, derao Izy,
 Derao ilay Zanak'ondry maty ho an'ny mpanota;
 Omeo voninahitra Izy, ianareo olona rehetra,
 Fa Ny Ràny no nanadio ny pentimpentina
 tsirairay.

Mahafinaritra toy ny ahoana!

²⁵⁶ Eny àry, hanondrika ny lohantsika ve isika ankehitriny ho an'ny tso-drano. Tsy fantatro hoe iza no efa voafidy hanao an'izany. Rahalahy Johnny Manadal, avy any California, raha mbola manondrika ny lohantsika isika. Ankehitriny dia aza adino rahampitso hariva, izany no voalohany, fiandohana. Rahampitso hariva, ho eto mihitsy ilay favoriana, ato amin'ity efitrabe ity mihitsy, amin'ny fito sy sasany.

²⁵⁷ Andriamanitra hitahy anareo. Nankasitrahانareo ve ny Fanatrehan'Andriamanitra? [Hoy ny fiangonana hoe, "Amena."—Mpand.] Amen. Ndao isika hanondrika ny lohantsika ankehitriny raha mampirava antsika Rahalahy Johnny.



AZA MIANKINA AMIN'NY FAHALALANAO MANOKANA MAG65-0120
(Lean Not Unto Thy Own Understanding)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alarobia hariva, 20 Janoary 1965, ho an'ny fivorian'ny Full Gospel Business Men's Fellowship International tao amin'ny Ramada Inn ao Phoenix, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org